

KUTI NACIMFYA SHANI?



Natukontamike imitwe yesu mwipepo.

Mwe Shifwe wesu, twa Mutotela, muno lucelo, pali iyi nshita iikalamba iya kwisa capamo nakabili, kabili ukwisula i Cebo cakwa Shikulu, ukucibika Cena pano kuli ifwe. Kabili—kabili pamo ne pepo nomba, ukuti Mupashi wa Mushilo alabula ico icili Lesa, nokucileta Cena kuli ifwe, ukutila ifwe twingasha ino ncende ya mapepo ileelo pamo ne mitima ya nsansa iyaisulamo ukusangalala. Tumone amaka Yenu ayakalamba ayakulubula, Shikulu, ifyo yena yapususha bankole nokubaleka bena ukuba abantungwa, ukulenga ukwishibikwa kuli ifwe “ifintu ifyo fyali, kabili ifiliko, kabili ifikesa bako.” Kabili ifwe tuletotelafye Imwe pali ifi fintu.

² Twapepa ukuti Mwalatupala ifwe ilyo tulesambilila i Cebo Cenu nomba capamo. Kabili lintu twalafuma, lekeni tulande mu mitima yesu, ilyo tuleya ukukonka mu nshila, “Imitima yesu bushe tayacilabilima mukati kesu ilyo Ena, Mupashi wa Mushilo, acilanda kuli ifwe ilyo ifwe twaciba munshila.”

³ Paleni kapyunga onse ileelo, konse konse, Ababomfi benu abo abaleimininako Ici, Icine Cenu. Muleasuka amapepo yabo pabalwele. Muleundapa imibili yalwala iya abo bonse abalecula.

⁴ Shikulu, twaipusha ukuti Imwe mwalaya pakati ka bantu nokufwaya lulya ulubuto lwamwenwa libela ukufuma kulya, Shikulu, nokuleta lwena pano, munshila, umo u Lubuto lwala ponenamo ukucilinganya mu nshila, Shikulu. Pantu, twacetekela ukuti inshita ileya ilepwa, akasuba kaleangufyanya ukuwa ku mboshi, nomba line cili nokuba ukuti “inshita ili nokupwa.” Inshita no Muyayaya fili nokusakana pamo lintu Lesa na bantu Bakwe bakasakana capamo. Kabili twapepa, Lesa, ukuti, pali ilya nshita, ukutila na ifwe tuli nokupendelwa pakati ka abo bonse abakasakana muli Kristu, abo abetwa na Bwinga Wakwe.

Twafweni, ileelo, ilyo tulepekanya, ukukana ishiba ico ubushiku bwa mailo buli nokuleta, lelo tuli abaipekanya ukupokelela icili conse, Shikulu, ukukonka fye nefyo twaishiba, ukutila Imwe mwalitukwatila. Ifwe tuli abaipekanya ukupokela cena. Ifwe twaipusha aya mapalo ku bukata bwakwa Lesa, mwi Shina lyakwa Yesu Kristu. Ameni.

Kuti mwaikalako.

⁵ Naciba mucine uwansansa, muno lucelo, ilyo Nacingila nokumona ukutila a—abantu balongene capamo ku mulimo wakwa Shikulu. Kabili twalapela ifyakubilisha nomba ifya mubushiku. Kwalaba ukulongana kwa kundapa munshita

yabushiku. Tulepepela abalwele, muno bushiku. Inshita fye inono iyapitapo, bena . . .

⁶ Ilyo Nacisa, Billy, umwana wandi, acinjeba, acitila, “Kuli ba—ba shibantu kuno, abo baume ababusu abenseshe impanga iitali.” Kabili acitila, “Na—Nacibabika mumuputule, Taata.”

⁷ Na—Nafikile ubushiku sana mailo, kabili—kabili nshabelengelepo sana pe sambililo lye sukulu lya pa Mulungu ilyo Naciba nokulandapo, muno lucelo. Eico Nacibula ifyalembwa ifinono ifyo Nafumishe pafyo Naumfwile umo munyina alandile, nokufumyapo apakubelenga, ukukwata isambililo lya pe sukulu lyapa Mulungu muno lucelo; kabili ilyo tuleiteyanya, nokupekanya uku kulongana kwacungulo bushiku.

⁸ Kabili Billy acitila, “Muli abaume mulya abalwele.” Acitila, “Nde—Nde—Ndefwaya mwingile nokubamona.” Eico, Nacingila mumuputule ino ine nshita. Kabili munyina nalimo uwa myaka nge yandi, no mukashi wakwe, bacikala kala mulya. Kabili Mupashi wa Mushilo acikila pakati kesu mu muputule ino ine nshita.

⁹ Tontontkanyeni fye, ukulandafye pakulongana kwakundapa, kabili ulya Ali palya. Mwamona? Kabili Aceba uyu munyina fyonse ifyo acitile, kabili nefyo alecita, kabili nefyalengele ubwafya bwakwe, kabili uko afumine, kabili nafyonse palwa ena. Kabili kwaciba icinshingwa icikalamba icafita icacikupa mumuputule. Nomba cacitendeka ukubuta, ukubuta, ukubuta, kabili ukubuta, elyo Mupashi wa Mushilo aikatilila.

¹⁰ Nomba, Ndetontkanya ukutila ulya muntu ali mu i . . . pa cifulo cimo kunuma kuno nomba. Ena no mukashi wakwe limbi teti engile mucikulwa, lelo bena batile bena bali nokwikala, nangu cibe fyo, mukulongana. Bafumine kulya, mupepi naku Yulma, ku Washington, no kwisa balensa. Kabili ena ni kapyunga wa Mbila nsuma.

Lelo ukumona fye inkumbu shakwa—shakwa Lesa kulya! Uko, umwaume ali mucipatala kabili alipelwe imiti nefintu fyonse. Mupashi wa Mushilo ukusokolola fyonse ifi. Ilyo, ba dokota baesha ukucita icintu icili conse ico bengacita, nalimo, pali ulya muntu, lelo casendele fye kulyo kwikata ukunono ukufuma kuli Lesa, ku kupilibula amabimbi. Ukutensha kuli fye bwino, lelo cili ngefyo twingeta “ukulasa mu mfifi,” namwishiba. Imwe, limbi kuti camilenga ukuba ababipilako, mwamona, pantu imwe kuti mwalabako ifintu fyonse ifyo mwatalile ishiba, ilyo babika ulyo muti muli imwe. Lelo Shikulu Lesa, ifyo inkumbu Shakwe no luse shaba! Kabili nangu lintu Nshilapela ishiwi lye pepo pali ena, cena cacipwa kale. Mwamona? Cena cacisendafye cilya icintu cimo icakwa Lesa, kulyo kukumya kumo, ukucicita.

Nshilingile ukusoseci. Ee. Kuti Naloleshapo, ukumona umuntu nomba. Ukuba, Nshaishibe nga cakutila kuti mwacicita ileelo, nangu iyo.

¹¹ Mukati kacalo umo Njikala, uno mulungu. Na—Na—Na litemwa abanandi kwisamba kulya. Kutusha ukunono cibe imisonkano iikalamba tailacitika, mwamona. Kabili Ndesa ku ng'anda, ukuya kulya lubali nokuya mukulunga utupale naba munyina. Kabili ulu lupwa, indupwa, ntile, abo Njikala pamo nabo kulya, bena mucine bantu abasuma. Kabili ulya muntu, munyina umwine mwine, banandi; bena efo baba.

Kabili umo pali bena ni umo uwatemwa i—imbwa shilunga. Kabili alikwata ing'anda iyaisulamo shena. Kabili—kabili Nalimwene iya wamisha panono kwisamba kulya, imbwa iinono, cilya eco Njita palwa cilya, “citika imbwa mukulepa nembwa shibili mubutali,” namwishiba, iyo—iyo iyalebutuka ukushinguluka ing'anda kulya. Kabili Natontonkenye ukutila, “Owe, bushe Joe tekuti akwate icintu cimo nga cilya!”

¹² Kabili, nakuba, kulya ku Arizona, aphililwe ukumubomfya. Aleingila mu myunga, kabili iyo eyali impela yakwe. Eico kanshi Natile, pamo, “Iwe tekuti ucikwate. Bena tababomfya imbwa mulya, muli cilye ciputulwa cacalo. Pantu, bena, ukuba, bena tekuti bababomfye. Kuti bacita ico. . . pamo, imicele, i—imibele yacalo nefimuti fya myunga, kabili kuti shafwa.” Elyo kabili, mucine, imbwa kulya lubali, u—umumbulu, nangu icintu cimo kuti ca ipaya, nalimo, ifyo fine, nga yena kuti yafuma.

¹³ Eico kanshi uyu muntu atile kuli ine, “Imwe kuti mwamusenda fye.” Lelo Ine—Ine tekuti imusende. Nde—Ndetasha pali cena. Naishilesanga ukutila, yali imo pa mbwa shakwe isho atemenwe.

¹⁴ Kabili uyu mwaume alikwata umukashi umunono umusuma nabana abanono. Kabili ubushiku bumbi, ena atampile ukubwelela na motoka yakwe, kabili akwete iyi motoka ya Oldsmobile. Kabili akabwa kakwe kanono kali fye *ngefi* ubutali, kabwafye akanono. Kabili alikapitilepo. Ilya motoka ya Oldsmobile yapitilefye palya pakabwa akanono, panuma *apa*, nokukafungaula, apo amabwe yapa musebo yalashile akafumo akanono kakako panshi apa, namwishiba. Kabili—kabili umukashi umunono, mucifulo ca kubutushisha akabwa akanono ku cipatala cambwa. . . Mucine, kucipatala cafinama kuti bakabikafye mukulala lilya line, nokukepaya. Mwamona?

Kwaliko naumbi umulumendo uwali naine. Kabili lilya line aile kulya, atile, “Nga ilya yali ni mbwa yandi, kuti Naipika.” Atile, “Epela fye. Ukuileka yacula nga filya?”

¹⁵ Natile, “Ukuba, twi ipika.” Natile, “Lekeni tuloleleko panono.”

Nafumishepo bonse, nokuya kapepelako. Kalya kabwa kankonkele palukungu. Kabili ena, ee, ena. . . Mwamona?

“Conse ico mulekabila, ilyo mwapepa, cetekeleni ukutila na mucipokelela; naimwe mukacipokelela, cikapelwa kuli imwe.” “Fyonse fintu.” Ulya ni Shikulwifwe Lesa, bushe tefyo cili? Ena ali—Ena aliwamisha kabili musuma. Kabili ifwe mucine twali Mutemwa, muno lucelo; kabili tulesubila Ena, no kwishiba . . .

¹⁶ Namwene, ubushiku bumbi, aba—abaupana abakalamba, nyina na wishi waba membala abasuma nganshi aba ici—ici chalichi ca bacetekela. Kabili nyina ali, oh, Ndemona ali mupepi no mwanda umo, kabili bashibo bali, pamo. Ukufika kumyaka ikumi limo na ibili uyu mwaume tatalile aselapo; aliseneme, alefeyeye uwatambalala. Nangu, tekuti alalile mumbali, nangu cimo. Alambalele palya panyaka ikumi limo na ibili. Nokukotafye. Kabili nyina ali nomba nalimo imyaka intu akwete, Nde elenganya, pa cifulo cimo mupepi no myanda, kabili umubusu umukalamba alifililwe ukuteka amano yakwe. Ena aletontonkanya ukuti umuntu umo alebula fyonse fintu akwata.

Kabili Naloleshe ku i . . . ukucilinganya itebulo, pali ifwe bonse, abaice na bakalamba, abekele palya. Kabili Natile, “Nikwisa uko tuleya? Ni cinshi ico tulecita?” Kabili namayo uo Naleikala nankwe lyena, ulya ali ninyina nawishi. Kabili Natile, “Iwe uleenda muli ulyo musango, pamo. Bwino bwinofye, cila umo muli ifwe.” Mwamona?

¹⁷ Tontontonyeni fye pali cena, pakashita fye akanono, ilyo tatulatendeka isambililo lyesu. Kulya eko mulelola. Cinshi ico mulelwishisha? Eico imwe kuti mwaba no mweo. Cinshi ico muleikalila? Eico imwe kuti mwafwa. Bushe teti cibe ica buwelewele nganshi nga cakuti tatusumine umulimo wakwa Lesa uwa Mweo wa Muyayaya? Cinshi ico twingatontonkanyapo? Cinshi—cinshi icingaba mu mano yesu, cilya kuti catemuna amatontonkanyo yesu ukufuma . . . ku cintu icili conse? Nga cakutila imwe mwakwete ama dolla amamillioni umwanda, kabili imwe mwalikwete ubuteko bwa—bwa Indiana, nangu ubuteko ubuli bonse, nangu cibe calo, nangu, ukulingana ngefyo cilya caba, isonde lyonse?

Nga mwaikala inshita iitali nganshi, mulingile ukwisa kuli cilya, na imwe. Mwamona? Kabili lyonse, cila bushiku, inshita yonse umutima wenu utunta, imwe muli nokuyafye kuli cilya. Mwamona? Imwe, takuli ukumicimfisha imwe. Imwe muli kulubali lwa kucimfiwa, kabili, imwe, mulingile ukulusa. Lelo ibukisheni ubulayo, ukuti, “Uyo uukalufya umweo wakwe pa mulandu Wandu akasanga.” Nomba, ni cinshi icingaba icuma icakusanga ukucila u Mweo, nangula mwingasanga isonde lyonse ukuba ilyenu? Lelo, nga imwe—nga imwe mwasanga u Mweo, imwe namusanga icintu icikalamba nganshi ico cingasangwa. Ndefwaya uku . . .

18 Naloleshe ku kuboko kwakuso kwandi nokumona nakabili, ino ine nshita, icikombe cimbi ica kusenamina kwa kwa Shikulu. Nalimo imilungu inono iyapitapo, balinjitile mukwasuka lanya. Kabili membala umusuma uwa ici chalichi, nangu uyu mubili . . . Nshilefwaya ukwita ici nganshi nge chalichi. Nde—Ndefwaya ukwita ici, cilya . . .

Ngefyo Nalelanda kubantu bamo, batile, “Ukuba, ci chalichi nshi mwabako?”

Natile, “Nshabamo . . .”

“Cilonganino nshi wabako?”

Natile, “Nangu cimo.”

Atile, “Ukuba, cinshi ico wabako?”

Natile, “U Bufumu.”

19 U Bufumu! “Kabili ku Mupashi umo ifwe tulabatishiwa muli bulya Bufumu.” Ku Mupashi umo, fyonse, muli ubu Bufumu! Yesu atile, “Pepeni, ‘Ubufumu Bwenu bwise. Ubufwayo bwenu bucitwe pe sonde, nge fyo cili mu Mulu.’” Nomba, Ena aiminine ubushiku bumu kuntanshi ya Lupili lwa Sansama, Atile, “Mucine Ndesosa kuli imwe, ukutila bamo abeminine muno, tabakasonde mfwa, mpaka bakamone u Bufumu ukwisa mu maka.” Cena calilandilwe kabela, ngefyo twapita muli cena, Ulupili lwa Sansama. Kabili Baibele itila, “U Bufumu bwakwa Lesa buli muli imwe.” Eico, aba bantu aba Bufumu abo abasoso kutila kuno tekumwabo. Kuno tekumwesu. Ifwe tulelelela Ukwisa kwa Mfumu, ukutantika Ubufumu.

20 Balinjitile ku mulandu wa mukampampa, uwa—uwakale munyina uyo waba nga taata kuli ine. Kabili ena . . . Nshamwishibe inshita itali sana, lelo Ndeibukisha ubushiku ubo Namusendele muno kulubatisho lwa mumenshi. Kabili uyu umwaume ali nokuba ili line imyaka ya kufyalwa amakumi pabula na umo. Kabili umukashi wakwe umusuma alinjitile, kabili ena pakuba nashi, atile, “Ena akwete umutima ukuleka ukubomba onse.” Lubali, ena akwete . . . Oh, Ndeti . . . tekuti njibukishe ishina. Ukusanswa kwa mutima. [Nkashi atila, “Ukufwasa.”—Kale.] Ukufwasa kwa mutima. Natotela. Ukusanswa kwa mutima, kabili nokufilwa ukutunta kwa mutima ukwapwililika. Dokota tapele isubilo, nakalya. Kabili umwaume alefwa, kabili alinjitile.

21 Kabili Naingile muli Ford wandi umunono uwakale, nokutendeka ukuya mumusebo waku Ohio, namaka nganshi ngefyo Ningacita, kabili nshaishibe, umo pa mipeto yandi walifumine mu mulongo, yalepwile itaela ukufuma kuli yena. Kabili eico kanshi, Naleywa kulya, nalefuma pancende babikilapo amafuta mummyotoka, munshita ya lebeni koloko, Nali uwasakamana pali ena, Na—Nalimutemwa. Kabili Ninjishiba, nga—nga yena yatwalilila, Shikulu nga akokola

ukwisa, mulandu nshi, nomba line nangu kuntanshi, ifwe tuli nokwisa lekelako umo nomubiye.

²² Lelo, cilya tacileonaula Ukusumbulwa, nomba. Mwamona? Iyo. Bena besa intanshi, lyena. Bena baliba nensambu, isho shapita. Bena besa intanshi. Mwamona? Mwamona? “Ifwe fwe bali abamweo kabili abashalapo, ku Kwisa kwa kwa Shikulu, tatwakacingilile nangu ukukanya balya abalala. Intandala yakwa Lesa ikalila; abafwa muli Kristu bakabuka intanshi. Nomba ilyo amenso yesu yamona abatemwikwa besu, lyena tukapilibulwa, mukashita akanono, mukukapakapa kwe linso, nabo bakesa sumbulwa kumulu pamo nabo.” Mwamona? Abakabalilapo ukuya bantu bakwata insambu pali abo abali nomweo.

²³ Ilyo Natampwile ukufuma mu citesheni, pa lebeni kolokofye, Mupashi wa Mushilo watile kuli ine, “Wisakamana pali ena. Iwe uli nokumuposha mukuboko kwakwe, mu musebo nakabili, kabili ena ali nokwisa muchalichi,” umwaume imyaka yakufyalwa amakumi pabula na cimo, alefwa.

Ilyo Nakumenye umukashi wakwe nabatemwikwa bakwe mucipatala ku Lima, balinjebela palwa mibele yakwe. Nalingilemo, nokulolesha pali ena mulya. Atile, “Lelo ena cintu cimo iceni.” Atile, “Ena—ena atendeke ukucinja ku busuma, pa lebeni koloko.” Ukuba, kabili kuti Na... Shikulu ali balangishe balya bantu ifintu ifingi nganshi, bena balishibe ukutila Nshacisosa fye cilya. Pantu, bena balilandile ico kuli ine intanshi, “Ena atendeke ukupilibuka.” Bena balishibe ukutila Nkabeba icine.

²⁴ Eico, pa bushiku wa Mulungu uwafumako, ilyo Naleya mu Blue Boar Cafeteria mu Louisville, uko Ndetontonkanya nalimo icipendo amakumi cinekonse konse ica ulu lukuta lulongana pa Mulungu mu cungulo, mukulya, ninani Namwene aleisa pamusebo? Ndemweba, umutima wandi walitunta ilyo Namwene Munyinefwe Dauch aleisa palya pamusebo, filya fine ifyo Ena anjebela. Namuposhehe muminwe, pamu—pamusebo.

²⁵ Nomba Na—Nabwelele kuno palwa pa Mulungu ubushiku pesambilishi lya pakwampana, ukwa *Kwampana Kwa Fishibilo Fya Nshita*. Eico... Kabili cilya caletele cilya ukufikilishiwa, filya fine Asosele. Kabili pano naikala mu chalichi ileelo, panopenefye naifwe, nga ifikombe ifya kusenamina kwa kwa Lesa. Pakumuposha pakuboko mwisamba ye tenti yamwela umo aali, Natile, “Munyina Dauch, uli nokubafye bwino. Ndi nokukumona mu chalichi nakabili. Cilya, cilya ni EFYA SOSA SHIKULU.” Mwamona? Apa ena naikala mu chalichi, pano pene nomba, Munyina Dauch.

²⁶ Nga Nshipangile icilubo, kapyunga Nacilalandapo, inshita inono iyapitapo, u Mupashi wa Mushilo walishile no kusokolola fyonse ifi fintu; ukumweba ifyo cacitike, nokumweba ifyo acitile;

ifyo cena cacitike, ifyo cena caishile fikilishiwa, fyonse ifyo filecitika ukutula palya, napa mibele yalupwa lwakwe, kabili nafyonse palwa cilya. Kabili nokumweba, ukuti, “Nacipwa.” Kabili kapyunga naikala apa pene, ku kuboko kwa kulyo. Bushe kuti mwaimyafye ukuboko kwenu, mukwai? Kulya, ena nomukashi wakwe, filya fine, ino ine nshita.

Apa napekala Munyina Dauch, pano pene nomba. Oh, owe!

²⁷ Bushe Ena tawama? “Filya fintu ifyo fyali, ifyo fili, kabili fikesa fikilishiwa.” Cimo, fibili, inte shitatu. “Ifintu ifyo fyali, ifyo mwacita; ifintu ifyo ifilecitika nomba; kabili ifintu ifyo ifili nokwisa fikilishiwa.” Kabili cila nshita, filya finefy, filya fine pa Cebo. Ulya ni Lesa fye eka ewinga cita cilya. Oh! Bushe tatuli abansansa pali ifi fintu?

²⁸ Nomba, umulandu Nacisenda fye inshita naimbi inono, Billy aciya mukusenda umukashi wakwe nakanya. Kabili atile, “Taata, mwitendeka ukushimikila mpaka Mbwele.” Eico, Nde—Ndetontokanya ena ali kunuma nomba. Kabili Ningile ukukwata inshita itali, nangu cibe fyo. Kabili Ndeesha ukutalukako kuli aya ama ora yane aya kutitikisha ayo Ndebika imwe bonse muno, kabili ukucilengafye ukuba amaminiti amakumi yatatu na yasano, amaminiti amakumi yane, mwamona, kabili ukweshwa ukucisunga.

²⁹ Nomba, Nalilandilwepo inshita imo mu Chicago. Ninkwata cena pama miniti amakumi yatatu, nangu icintu cimo, amaminiti amakumi yatatu nayasano. Kabili pa Mulungu uwafumako inshita yabushiku califye amaminiti amakumi yane na yasano. Billy atile, “Imwe mucine cine mwaesha, taata. Ndi ngo waumfwa icilumba pali imwe, pali cilya.”

³⁰ Ukuba, nalimo, muno lucelo, ukucilenga ukuba icipasho icinono ice sukulu lyapa Mulungu, Nsha misunge inshita itali sana. Lyena kuti mwaya kunse nokukwata icakulya cenu ica kasuba, nokupepa, nokubwela muno bushiku pakulongana kwa kundapa. Ifwe twalapanga umulongo wakupepelwa muno bushiku no kupepela abalwele.

³¹ Nomba, nga mwalishiba abantu abali bonse, ukuli konse, abo abalwele kabili balefwaya ukupepelwa, imwe baleteni muno bushiku. Mwamona? Nga muli nokubaleta, munshila iili yonse, baleteni kuno. Mwamona? Ico ecintu icikalamba, nici, baleteni kuno muno bushiku. Bonse tulekumana capamo. Muli iyo nshila. . . Cili icakosa ukutuma balamya, ukuya kuncende nencende; nomba mwashako bamo, kabili kwaba imyumfwile iyakosa. Lelo nga kuti Nabasenda bonse mucifulo cimo, lyena kuti Nabapepela. Nomba, nga imwe muli. . . Nga bantu balefwaya ukupepelwa, bena. . . Mwatila, “Kuti caba ifyo?” Oh, mucine. Bena bali nokupepelwa. Baleteni. Shikulu nga Asuminisha, ifwe tuli nokuba kuno, ukupepela umuntu onse. Pantu, Ndeumfwa ukutula cilye citinto ica butatu catendeke

ukwenda, mwamona, na—mukati ka ine. Kabili Nde—Nde—Ndefwaya ukupepela umuntu onse.

³² Nomba natupilibule, luno lucelo kwi Lembo ilyo Nabulile mulubilo mailo inshita yabushiku, nalinotulo nganshi, kabili nokulemba Amalembo nayambi ayakulundapo. Kabili ukubula ukwampana. Naumfwile munyina umo, limo, ukubomfya ili sambililo. Kabili Natontonkenye. . . Nalilembele. Natontonkenye ukutila, “Ukuba, Ndecetekela Nalalembe cilya, pantu limbi kuti caba icakwafwilisha.”

Inshita ishingi tulacita cilya. Ndamona, mwebengi imwe muno, mwalikwata iciputulwa cepepala. Kabili kapyunga kuti aseose cintu cimo, elyo kabili iwe uli—iwe uli nokufika pali cilye cishinka, icintu cimo cili nokuma muli iwe. Elyo kabili nga Mupashi wa Mushilo ulecita cilya, lyena muli nokutendeka ukukula ukufuma pali cilya cine icishinka palya pene, imbila yakwa Shikulu. Kabili cilya cilifye bwino. Nalimona mu misonkano, konse uko mwingaya, bakashimikila fye na bantu ukulalembe. Cilya cili fye bwino. Ifwe—ifwe tuli muno, cilya eco tubelele muno, caba ukwasha ukwafwilisha umo nomubiye mukati ka iyi misebo.

³³ Kabili nomba lekeni tupilibwile mu Kusokolola, icipandwa ca 3, pankulo yama chalichi, ukubwekeshapo inkulo yama chalichi. Lelo nomba ifwe tuli. . .ifwe. . .kulya. Ee. Ine kuti nasenda ili sambililo limo, kabili na Mupashi wa Mushilo, ukushimikila pali Lyena imyaka umwanda umo kabili ukwabula ukufumya ico cili muli Lyena. Pantu, muli ili sambililo limo, nge fipandwa fimbi ifya mu Baibele, Ici calikakwa pamo.

Kabili Ndefwaya ukusenda isambililo lyandi, muno lucelo, ilya ici: *Musango Nshi Ninga Cimfishamo?* Nomba, Ninsala ici pantu Ndetontontokanya ukutila ni nshita iyo tatulingile ukuleka u Mupashi wa kupuputulwa ukufwa. Tufwile twaikala mukuputulwa, lyonse abapuputulwa, cila bushiku. Paulo atile ena ali “nokufwa cila bushiku, ukutila Kristu kuti aba nomweo.” Kabili ifwe tatulingile ukuleka kulyo kupuputulwa ukufwa, mukati kesu.

Nomba, Ukusokolola, icipandwa ca 3, kabili ukutendeka na versi ya 21, tulebelenga ici.

Uwacimfya nkamupelo kwikala pamo na Ine pa cipuna candi ca bufumu, nga filya ine. . . ukucimfya, no kwikala pamo na Taata pa cipuna cakwe ca bufumu.

Uu kwete ukutwi, omfwe ico Mupashi ulesosa kumachalichi.

³⁴ Bushe mwalimona u—ukutantika kwa cilya? Mwamona? “Ukwikala na Ine *mu* cipuna Candi ica bufumu,” te “*pa* cipuna Candi ca bufumu.” “*Mu* cipuna Candi ca bufumu,” cilya ni mubufumu Bwakwe. Mwamona? Kabili kulya, ngefyo—ngefyo Kristu aba ni Kateka, Kateka wabufumu pali ino nshita,

uwa bufumu bwakwa Lesa bonse, eflyo ne Chalich cikaba na Ena, Nabwinga akaba pamo Nankwe, mucipuna Cakwe icabufumu, mubufumu bonse. Mwamona? Te “*pa* cipuna Candi ica bufumu,” lelo “*mu* cipuna Candi ca bufumu,” mwamona, uko bufumu Bwakwe bulefika. Icipuna cabufumu citeka incende, kabili—kabili incende ifikafye pamupaka apo wafika. Kabili ici cafuma mu Muyayaya ukuya mu Muyayaya. Tontonkanyeni fye pali cena!

³⁵ Nomba, ilyo tulesoma ici, ipange lyandi ilya ici tekwisafye kuno ku—ukukwata isenge naimwe mwebantu. Cili ukuti, Nalitemwa ukucita cilya. Lelo nga—nga Nalikwete ishuko ukucita cilya, kuti Naisa ku ng’anda yobe, nokuposha ukuboko kobe nokulanda naiwe, nokwikala panshi, ukulya icakulya ca cungulo pamo na imwe; kabili ukwikala panshi, mwisamba lya cimuti ca cintelwe, nokulanda nokukwata isenge pa kashita.

Lelo ilyo twaisa kuno, tuli pano pa mulimo umo. Ino ni ng’anda ya kulungamikwa. Ici ecipuna ca bufumu. Ici e cipuna ca bufumu cakwa Lesa, kabili ubupingushi bulefuma mu ng’anda yakwa Lesa. Kabili pano epo twisa capamo, ukukumana mukutemwa, umo nomubiye, ngefyo abena Kristu fye beka bengatemwa. Lelo, muno, ifwe tuli—ifwe tuli pesamba lya—u—ubutungulushi bwa Mupashi wa Mushilo. Mupashi wa Mushilo ali pakati kesu. Kabili tuli pano ukuba... ukumona pakati kesu, ukumona apo incende shesu ipi, ukufilwa kwesu, kabili ifyo kwingekata ukufuma apo tulingile ukuba, ukufika apo tufwile ukuba nomba; apo tuli, kabili apo tufwile ukuba. Kabili ifyo eflyo tusoma. Bakapyunga balasoma shilye ncende, ku bantu babo. Nga bamona abantu, ukukana kwata, nomba bena batampala palico.

³⁶ Nomba, ili line, Ndetontokanya ukutila chalichi nalimo cilingile ukusenda ulutampulo ulunono pa mulu pali ino nshita. Nshipekanya ukucita ici luno lucelo, ukulangisha ifi fintu. Lelo Nde—Ndetontokanya, nomba line, Shikulu ngasuminisha, ilyo tatulashimikila pali yalya Amapenga, Ndefwaya uku—uku—ukuletela i Chakichi icintu cimofye ico—ico mulingile ukwishiba, Ndecetekela, nomba.

³⁷ Kabili nomba ifwe tuelanda pali ici, “ukucimfya.” Ishiwi *ukucimfya*, mucine, namwishiba ifyo cipilibula. Imwe mulingile ukukwata icintu cimo ica kucimfya. Kabili iyi nkulo ya chalichi iyo Mupashi wa Mushilo walelandapo pano, pa Nkulo ya Chalichi ca Laodikea, nga fintu elyo twapitilemo, calefwikwa ukwebaulwa. Laodikea ali nokumwebaulwa, pa mulandu wa yena—yena yalipusana ukulola kuli Kristu. Yena yabikile Kristu kunse, mu—mu nshita yabo. Kabili Kristu ali kunse, ukwasha ukubwelelamo mukati. Cilya kutemwa. Panuma ilyo Ena atamfiwe ukufuma mu ng’anda Yakwe Umwine, aleesha ukubwekelamo, kabili atile, “Uyo uuli nokwisula icibi, Ndi

nokwingila kuli ena.” Mwamona? Ichalichi, icine, muli fyonse, cali Mufumishepo.

³⁸ Lelo nomba moneni. Ubwite bwakwe pano tabwaba fye ku chalichi. “Uyo uwacimfya.” Mwamona? Te chalichi; ulo lukabako, mwamona, umubili wa chalichi. Lelo cena cili “uyo uwacimfya,” umuntu umo uyo ukacimfya, nomba.

³⁹ Kabili Laodekea aliciletele kuli ena. Nomba tulemona, kanshi, ukwishiba ukutila ino ni Nkulo ya Laodikea, kabili ukwishiba ukutila ino nshita ilefwaikwa ukwebaulwa ukufuma kuli Lesa. Cifwaikwa ukwebaula ukwatwa. Kabili ilyo bashimapepo baba abanakilila kabili abacepelwa amaka, nga bashikulu abakota ku beshikulu babo, conse ico bacita caba icapwililika. Kabili bena baba. . .

⁴⁰ Cena calilandwapo nganshi, ukutila Lesa ni Lesa umusuma nganshi, mpaka bena baesha ukupanga Lesa icikolwe icikalamba icabula amaka. Mwamona? Lelo Ena taba. Ena ni Taata, kabili Taata uwa bulungami, uwa kulungamikwa. Kabili ukutemwa lyonse kulalungamika. Mwamona? Ukutemwa kulalungamika. Te mulandu ifyo kwingacena, nalyo line kulalungamika.

Nyina uwacine ali nokulungamika abana. Wishi wacine ali nokulungamika. Mwamona? Ngawaba uwanakilila kabiliuwabula amaka, kabili nokucileka. . .

⁴¹ Naleciluka icimulando icakale ubushiku bumbi, kulya u—ukusamba, nangu ico icitwa icafonkolwa. Kabili Nalitolokele pali uyu mulando. Kunse, walemoneka bwino, walemoneka kwati ukalamba, umulando wa cimuti. Lelo ilyo Natolokele pali wena, oh, iciputulwa icikalamba ica wena caliwile. Cali icabola nganshi nokunaka. Natile, “Ulya e musango abena Kistu babelamo.” Bena balifwa mulubembu na mu mampulu, inshita iitali nganshi, mpaka ukuba abakowela. Bena tekuti bakwate ukufina nangu kumo, nakalya. Bena—bena tabaishiba ifyo kucimfya cipilibula. Kabili Natendeke ukutontonkanya pali ili sambililo, lyena. Ukucimfya, sunga u Mweo muli iwe. Ilyo umweo bwafumine, cilya ecaletele ulyo mulando kuli ilye mibele. Mwamona? Kabili capangile cena ukubipisha ukucila lyonse ilyo cena cabikilwe mu musambo umo amenshi yali.

⁴² Elyo kabili, kulya, mwasenda umwina Kristu, uyo ulingile ukuba umwina Kristu, lekeni u Mweo wakwa Lesa ufume kuli ena, kabili nokupitamo, insansa shakubombela Kristu; kabili, ukwikala muchalichi umo ifyamusango uyo filecitika, alabola bwangu bwangu, nacilungama, ukwikala mwisamba mulya mwine.

⁴³ Eico, nga tuleesha ukukonka i Mbila ya ino ora, nangu ici ciputulwa ca Mbila, tulingile ukwikala lyonse mu Mweo wakwa Kristu. Mwamona? Pantu, nga tacilecitika, nga mwalambalala, no kwishiba ukutila ifi fintu ifyo mulingile ukucita, kabili

tamulecicita, Baibele itila, “Uyo waishiba ukucita icisuma, kabili tacicita, kuli ena cena lubembu.” Elyo mulesa mukuba ababula amaka, ababola, ilyo mwapatulwa ukufuma ku Mweo wakwa Lesa. Eico, lwisheni na fyonse ifili muli imwe, ukwikala mu Mweo wakwa Kristu, ukutila imwe muli nokuba aba kutwala ifisabo.

⁴⁴ Tulemona iyi nshita iyo tuleikalamo. Ni imo nshita iyawamisha pa nshita shonse. Iyi Nshita ya Chalichi caa Laodikea ili iyawamishapo pa nkulo shonse isha machalichi, pantu cena empela yanshita kabili ukwikatana kwa Muyayaya. Kabili, nomba, enshita iyakulishapo iya lubembu. Ulubembu lwalifulishapo muli ino nkulo ukucila pafyo catalabapo. Kabili amaka yakwa Satana yaba—yaba inshita ishing'i ayakosa ukulwisha ukucila ifyo cali mu nshita ili yonse. Mwamona?

⁴⁵ Pano, kunuma kulya mu nshita shakubalilapo, umwina Kristu pakulanda kwakwe ukwa kuba ichalichi... pakuba uwakwa Kristu, kuti bamuputalako umutwe palwa ico. Ena kuti bamwipaya, kabili afumishiwa mu bulanda bwakwe, nokuya mu kukumanya Lesa, bwangu bwangu.

Lelo nomba umulwani alisamo, mwishina lya chalichi, kabili alebeleleka. Ino ninshita iikalamba iya kubeleleka. Nomba, Kristu alilandile ukutila, “Imipashi ibili ikaba iyapalamana sana munshiku shakulekelesha mpaka cena kuti cabepa na Basalwa bene nga kuti cacitwa.” Mwamona? Mwamona? Ibukisheni, Kristu asosele pa bantu abasalwa aba bushiku bwa kulekelesha. Mwamona? “Cena kuti cabepa na Basalwa bene nga kuti cacitwa.” Mupepi nganshi! Abantu balekala ifyo, abantu kuti baikala abasanguluka, umweo wamushilo; tekuba umubembu, abacende, kabili abanwa, kabili ababufi, abateya injuga. Bena kuti baikala pamulu wacilya, kabili nalyo line ukwabula Cena.

⁴⁶ Iyi ni—ninshita ya Mweo, u Mweo wakwa Kristu, uko, u—umuti wa Mubili Wakwe, ifyo ifyali muli Ena.

Intanshi, mwisamba ya kulungamikwa, ulubatisho lwa mumenshi. Ica bubili, mwisamba yaku Fyalwa cipya cipya, ukwakwa Wesley, ukushishiwa, ico icisangulula. Kabili ica citatu, mwisamba yalubatisho lwa Mupashi wa Mushilo, ukubika cilye cipe icasangululwa mumulimo. Mwamona? Ishiwi *ukusangululwa* cipilibula, lyena lishiwi lya ci Greek ilipilibula “ukusambwa nokubikwa lubali kumulimo,” ukubikwa lubali kumulimo. Nomba Mupashi wa Mushilo acibika cena mu mulimo. Mwamona?

⁴⁷ Kabili tuli nokumona, “Ilyo umupashi wakowela wafuma mumuntu, ulaya muncende ishauma.” Cilya ni filya fine ifyo ichalichi cacita, ba Baptisti, Methodisti, abo abacetekela mukusangululwa. “Kanshi,” Yesu atile, “umupashi wakowela uyo waile kunse, nokubwelelamo kuli uyu mubili wa chalichi

nokusanga ing'anda iyawamishiwa, iyasanguluka, ukwikala uwasanguluka, umweo uwasanguluka.” Cisuma. “Lelo lyena nga ilye ng'anda tayaisushiwa, ukwikalamo, lyena esamo nefiwa fimbi cinelubali ifyabipa ifyabipisha ukucila ifyo ali, kabili iciputulwa cakulekelesha ica iyi ncende yaba imiku cinelubali iyabipisha ukucila ifyo cali pakutendeka.” Bena balingile ukwikala ba Lutherani, ukucila ifyo cingaba ukupokelela lulyo Lubuuto nokufilwa uku Lukonka. Eico naba Pentecosti, mwamona, namwishiba ico Nepilibula, ing'anda iilewamishiwa.

⁴⁸ Ilyo Nalelanda ku muntu umo, ubushiku bumbi, atile, “Bena bali abacenjela nganshi, nangula amabumba ayengi ayamushilo, tekwita Mupashi wa Mushilo, ‘Mupashi wa Mushilo,’ pantu bena bailangisha abene pamo naba Pentecosti lintu bacita ico. Batila, ‘Mupashi wa Mushilo,’ mwamona, talukeniko ku kusosa ukutila, ‘Mupashi wa Mushilo.’” Pantu, ba Pentecosti, abantu abaseka, ba Citafye ifyo Baibele isosa ukutila, “Mupashi wa Mushilo.” Icili, Mupashi wa Mushilo na Mupashi wa Mushilo cintu cimo cine. Lelo bena baliba aposako amano nganshi palwa cena. Bena tabafwaya ukwishibikwa nabalya bantu abalandila mundimi; kabili ulya Mupashi wa Mushilo, Uwine weka. Mwamona?

Cinshi icacitike lilya? Ilyo umulwani, uyo waile mukusangululwa, uyo wasambilwe ukufumishwamo, alibwelelemo nokusanga ing'anda tayaisushiwa na Mupashi wa Mushilo, nomba imibele yachalichi yalilundwa ne—necisaka cama chalichi, ne Cisaka ce Sonde icama Chalichi. Kabili calo nomba ecilunda na bu Katolika waci Roma nafyonse ifyashala, kabili nomba caba imiku cinelubali icabipisha ukucila ifyo cali ilyo caishile ukufuma mu bwina Lutherani. Kulya eko umuntu acitwala.

⁴⁹ Elyo kabili moneni ku Nkulo ya Chalichi ca Laodikea panuma ya kupokelela Mupashi wa Mushilo, kabili nokwishiba no Mupashi wakwa Lesa mukati ka Cena, elyo kabili imilimo yakwa Lesa yalikanwa kuli cena, nokwita Cena “umulimo uwabipa.” Nomba nga palwa cilya? Palya epo Kristu abikwa ukufuma mu chalichi Cakwe Umwine. Mwamona? Ena...Cena tacatalile mulangisha Ena mu chalichi mpaka cena caishile ku Laodikea; kabili ilyo Aile ku Laodikea, Alitamfiwe ukufuma muchalichi Cakwe, ukweshwa ukubwekelamo.

⁵⁰ Nomba, moneni, ukulungamikwa takwa Mubikile mukati. Uku shilishiwa kwawamishefye incende Yakwe. Lelo ilyo ulubatisho lwa Mupashi wa Mushilo lwaisa, lwa Mubikile mubantu. Kabili nomba bena bali Mukene, ilyo Ena atendeke ukuilangisha Umwine, ukutila Ena aba cimo cine mailo, ileleo, nomuyayaya. Bena bali Mutamfische kunse pantu bena bapangile icilonganino, kabili u—u Mupashi wakwa Shikulu tausuminishenye ne cilonganino cabo. Muleumfwa nomba? Ukutila, bena bali Mutamfische panse. “Ifwe tatulefwaya

icakucitapo nokubelenga amano. Cena cili—cena cakwa ciwa. Cena kubuka. Nangu. . .” Mwamona?

Tabeluka. “Amenso, kabili tekuti bamone; amatwi, kabili teti bomfwe.” Mwamona? Lesa esula amenso ngefyo Alefwaya. “Ena akosha uo Ena akosha, Ena afwaya, kabili—kabili—kabili apela u Mweo kuli abo abo Ena akabila.” Filya efyo Amalembo yasosa.

⁵¹ Nomba, tulemona aya ma ora ayo tulimo, ici cipandwa, kabili tulemona ifyo cena cali. Kabili Mupashi wa Mushilo alekalipila inkulo iyo iya Mubikile kunse. Lelo, muli fyonse filya, bushe mwalimona, “Kuli uyo uwacimfya”? Nangu ni muli lilye sonde, inkulo ya chalichi iyabipa, “Uyo uwacimfya.”

⁵² Tulesanga pano ukutila Lesa lyonse alakwata bakacimfya. Ena alikwete bakacimfya muli cila nkulo. Lyonse kulaba, inshita yonse, munkulo yonse iyatala bapo pesonde, Lesa lyonse alakwata umuntu umo uo Enga bikapo amaboko Yakwe, nga kambone mwisonde. Ena tatalabapo ukwabula inte, nangula inshita shimo fye umofye. Lelo umuntu umo alacimfya, nomba, nga ba mushilo abakale.

⁵³ Kabili u—umuntu umusuma nganshi, kasambilila, alesosa, panuma ya *Fikakatikilo Cinelubali*, atile, “Munyina Branham, iwe ukuba ka—uupalanya, kapashanya, ntile,” atile, “musango nshi ukbikilamo cilya Chalichi mu Kusumbulwa ukwabula inshita ya Kupakaswa, mucipasho?” Atile. . .

Mwamona, nga cena cipasho, kulingile kwaba i. . . kulingile kwabako. . . Nga kuli icishapala, kufwile kwaba icipasho cacilya icishili icipasho icakufumako. Kabili nafyonse fintu Nalanda, ico cishinka, calikwata icakupashanya. Calikwata icakupashanya. Iwe naukwata icinshingwa. Kabili Baibebe yatile, “Ifintu ifyakale fyali cinshingwa ca fintu ifipya ifili nokwisa.”

Atile, “Lelo nomba iwe wasenda Icipingo Cakale nge cinshingwa. Nomba,” atile, “ni cinshi ico uli nokucita neci Chalichi?”

⁵⁴ Uyu muntu afuma ku. . . Umwaume umukalamba, kafundisha umukalamba uyo cibusa wandi uwapamutima, umuntu umusuma nganshi, kabili ena ni munyina umusuma. Ine—Ine tekuti nsose ishiwi limo ukususha munyina. Ine tekuti ncite ico, nangu cibe fyo. Nga—nga i. . . Ngo mwina Kristu, Ine tekuti nsose nangu cimo ukumususha. Ena—ena—ena tasuminishanya naine pali lilye sambililo limo, lelo ena—ena ni munyinane musuma. Ifwe tulya capamo. Kabili, oh, ena muntu fye musuma. Ndabula ibuuku lya magazini lyakwe, nokubelenga fintu alemba. Kabili alalemba yamo payandi, nafimbipo. Kabili Nalisenda ifyakubelenga ifingi ukufuma kufyo Na—Na libelenga—ukubelenga ifyalembwa fyakwe, ukumfwa ena ukusosa. Ena muntu umukalamba, lelo ena—ena tekuti asuminishanye naine. Ndetasha cilya,

pa bufumacumi bwakwe. Nangula ena tacita fye, umo uwa uwapabantu abashakosa, asuminishenye fye ne fintu fyonse ifyo mulesosa. Ena alikwata ukushininwa kwakwe umwine, kabili alebwimininako. Ndetasha pali cilya. Kabili ena muntu musuma. Oh, Ine—Ine nshili kafundisha nangu kasambilila, nangu pali fyonse, lelo uyu muntu aba fyonse fibili kafundisha na kasambilila.

⁵⁵ Lelo Ine—Ine tekuti musuminishanye nankwe, pantu Nshilecimana. Lelo, cena tacikumine kwi pusukilo, cena cakuma ku Kwisa kwa kwa Shikulu. Ena amona ukutula i Chalichi cilingile ukupita mu nshita ya Kupakasa, ku kuwaminishiwa. Ndetila u Mulopa wakwa Yesu Kristu wali sangulula i Chalichi. Mwamona? Tacilefwaikwa i . . .

Ndecetekela ukutula ichalici cikapita munshita ya Kupakaswa, akabungwe ka chalichi, lelo Nabwinga taciteco. Bushe kuti wasala namayo uo ufwile ukuwamya cibe taulamupa? Mwamona? Nabwinga wakwa Kristu alisalwa, kabili Ena alisalwa. Kabili Ena ni Nabwinga wakwa Lesa, Nabwinga wakwa Yesu Kristu.

⁵⁶ Kabili nomba atile, “Musango nshi uli no kupashanya cilya, nga ulya Nabwinga aleya, aleya mu mulu ilyo Ena talaya mu nshita ya Kupakaswa?” Atile, “Ninkwata Amalembo ayalemilanga ukutula i Chalichi caba munshita ya Kupakaswa.”

Natile, “Belengeni fye Icikakatikilo ica Mutanda, epela fye, ena ali palya pene mu nshita ya Kupakaswa. Lelo sangeni, lintu fye cilya tacilabapo, Nabwinga naya. Mwamona? Ena ali mu Bukata pali ilya nshita. Ena ttakwete ukuwamishiwa.” Mwamona?

“Uyo uwacetekela muli Ine nakwata u Mweo wa muyayaya, kabili takese mukwebaulwa nangu u Bupingushi, lelo nafuma mumfwa aingila mu Mweo.” Kristu apele ubulayo ukutula ifwe tekuti twiminine pa Bupingushi. Eico Asendele fye icifulu candi, mpaka Naba fye umuntungwa. Ilyo Nabelelwo luse, Nimbelelwo luse. Kuti Amfumyamo shani mwituka lyacikatilo, nokukwata lishiti nga . . . Bushe kuti Aba shani Kalubula wandi, nokumfumya mwiktuka lya fikatilo, kabili kekatila atila Ncili wakwe? Ninkwata lisiti ilitali, ameni, mwamona, ilyalembwa no Mulopa wakwa Yesu Kristu. Mwamona? Nomba, muli ico, apa epo twisa.

Atile, “Nomba, musango nshi walakwata, ukupatula ulya Nabwinga uwasalwa iwe ulandepo nomba, musango nshi muli nokubika Cilya mwisamba ya cipasho?”

⁵⁷ Natile, “Cisuma nganshi.” Ndesosa, “Ici cili apa. Nomba, muli Mateo, icipandwa ca 27 na vesi ya 51.” Nga ifwe . . .

Lekeni ncibelenge, elyo kabili ifwe—ifwe twalacumfwa bwino. Elyo tulesanga ukutula nga cakutula calipashaniwa nangu iyo, nga cakutula ni Nabwinga uwasalwa. Mateo, icipandwa ca

27 kabili na—kabili na versi ya 51. Cisuma. Tulebelenga ici, pa kutanikwa kwa kwa Shikulwifwe.

Kabili, moneni, icipembe ce tempele calepwike pakati ukutula pa mulu ukufika panshi; . . .

⁵⁸ Nomba, lilya lyali lifunde. Amalango yapwilile palya pene. Pantu, icifimbo casungile ulukuta ukufuma kufyakufwala fyamushilo ifyakwa Lesa. Shimapepo fye uwasubwa aingile mulya, kabili, ukuti, muku umo pa mwaka. Mwaibukisha? Nomba, Lesa, nokuboko Kwakwe Umwine, moneni, “ukufuma pamulu ukufika pesamba,” tekufuma panshi ukufika pamulu. Mafiti amakumi yane mukulepa. Lolesheni, tekufuma panshi ukufika pamulu, lelo “ukufuma pamulu ukufika panshi,” calangishe ukuti cena cacitilwe na Lesa. Alepwile icifimbo muli fibili, lyena nangula, uuli onse, uyo onse ulefwaya, kuti aisa nokukwatako kumushilo Wakwe. Mwamona? Cisuma.

. . . ukufuma pamulu ukufika pesamba; kabili nesonde lyalilepwike, kabili nefimabwe fyalilepwike;

Kabili inshinshi shaliswilwe; kabili imibili iingi iya ba mushilo abo abaleleme,

Kabili bafumine mu nshishi panuma ya kubuka kwakwe, . . . aile mu musumba wa mushilo, no kumonekela ku bengi.

⁵⁹ Pali balya Abasalwa, ulya Nabwinga. Teconse ichalichi ca ci Yuda caishile pali ilya nshita. Bonse fye balepela ilambo limo line. Bonse muli bena bali pesamba lya mulopa uwasumishiwa uwa mwana wa mpaanga. Lelo kwaliko Ibumba ilyasalwa; kabili lilye Bumba ilyasalwa, lilya line fye ilyo icintu caishile, abo mucine cine bacetekele muli Cena no bufumacumi. Nomba Ndaisa kwishiwi ilya *kucimfya*. Nomba sungeni cilya. Aba abacimfishe icine cine, mubufuma cumi ukupanga umusangulo umo wine uo abashala bapangile, lelo, mu bufumacumi, ukucimfya ifintu fya mwisonde. Ilyo icikonsolwelo mukulungamika capangilwe kuli bena, bena bali mu paradise mpaka ilya nce- . . . ilya nshita. Ilyo ilya nshita yapangilwe, bena balicimfishe nokutusha, ukusendama; mwamona, “imibili ingi iya balya abalele mulukungu,” mwamona, abalele.

⁶⁰ Nomba, nga twalikwete nshita, kuti twabwekela kuli Daniele, ilyo, Daniele, ulya uwasalwa uyo uwacimfishe. Kabili Atile, “Isaleni Ibuuku, Daniele, pantu mukatusha muli imwe. Lelo ilyo Cilolo akesa, uukemininako abantu, imwe mukeminina muli lilya ibumba.” Ici apa. Daniele, uyu kasesema wakwa Lesa, amwene inshita yampela ileisa. Kabili Atile, “Daniele, ukeminina nebumba lyobe pali bulya bushiku.” Kabili uyu ali apa, alishile; te Israeli onse, lelo icipasho cakwa Nabwinga ica mu Israeli. Nomba, Israeli uwashala taishile mpaka ukubuka kwa cintubwingi.

⁶¹ Kabili nomba, pa Kwisa kwa kwa Shikulu Yesu, abo mucine abakutemwa Ukwisa Kwakwe, abo abaleikalila pali kwena; ilyo Ena akamonekela mulwelele, i Chalichi ico cafwila muli Kristu cikema, kabili balya bakapilibulwa mukashita. Abashala bonse tabakeshibepo nangu cimo palwa cena. Ibukisheni, “Amonekele kuli balya mumusumba.” Mwamona? U—u—u Kusumbulwa kukaba nga filya. Ifwe tuli nokumona cila umo nomunankwe, kabili tuli nokubamona. Ilyashala isonde talyakabamone. Cikasendwa ngokuya kwamubumfisolo. Ukulolela inshita!

Elyo ukubwekela pesonde kuli ilya imyaka Ikana limo ilya bukata, elyo imyaka ikana limo... “Abashala abafwa tabali nomweo pamyaka ikana limo.”

⁶² Kabili elyo kwaishile ukubuka kwa cintubwingi, uko, Israeli onse. . . Kabili nacimbi, lolesheni kulya, abatumwa ikumi limo nababili, ifikolwe ikumi nafibili, fyonse falimininweko. Kabili ifwe tatwatalile atufika kuli cilya nomba. Nalimo, Shikulu ngasuminisha, twalaisa kuli cena mu Cipingo, ifyo filya ifibumba fya jasper, na mabwe ikumi limo na yabili, impongolo ikumi limo na shibili, imifula ikumi limo na fibili, fyonse filya ifya ifyaiminweko. Aba bali pano pafipuna fya bufumu ikumi limo nafibili, inkombe shabu malaika isha shilye nshiku, ukupela ubupingushi pali abo abakene imbila yabo. Amen. Kulesa ilya ora iikalamba. Ee.

⁶³ We bushiku we, wenshita iyo tuleikalamo we! Ifyo tulingile ukumona, i Chalichi. Nomba tulelanda pali ifi ifintu ifileisa, ifili nokwisa. Nomba, ileelo, natubwekele kunuma uku nokumona, ukuicencenta fwebene nokumona nga cakutula tuli abalungama mu Citetekelo.

⁶⁴ Nomba lekeni tulande pali bakacimfya abanono pama miniti ayanono, munshiku shakwa Noah, ico capashaniwa na Yesu Kristu, ukuba nge leelo.

Ningile ukukwata ama miniti ikumi. Nomba Nalakokola pali citika wa ora. Nalatendeka fye, ibula lyantanshi. Nalatolokela fye ayanono aya yena, nga kuti Nacita ico, nokusenda ifyo. . .

⁶⁵ Mu nshita yakwa Noah, icipasho celelo: Yesu asontelele kuli cena, kabili atile, “Ngefyo cali munshita yakwa Noah, efyo cikaba namu Kwisa kwa Mwana wamuntu. Munshita yakwa Noah, efyo cikaba napa Kwisa kwa Mwana wamuntu.” Moneni, kwaliko lyonse lilye sonde ilyakale, nalimo ilya bantu ama millions, kwaliko bakacimfya cinekonse konse. Abantu cinekonse konse ukucimfya, abo abali abacine, bakacimfya abacine. Kwali abana baume batatu abakwa Noa nabakashi babo, kabili Noa nomukashi wakwe. Cinekonse konse ukucimfya, abo abaingile mucibwato panshita iyalinga. Musango nshi bacitilemo? Balyumfwile ku Cebo cakwa Lesa. Bena tabaiketwe kunse ka mwinshi. Bena baiketwe mukati kamwinshi.

⁶⁶ Oh, mwe banandi abatemwikwa, mwileka ulyo mwinshi wisalike. Yesu atile, “Ngefyo cali muli bulya bushiku, efyo cikaba na pa Kwisa kwa Mwana wamuntu.” (Natotela, munyina.) “Efyo cikaba napa Kwisa kwa Mwana wamuntu.” Nomba, kuli umuntu umo uwalaikatwa kunse kau lyo mwinshi.

Abengi muli bena limbi balikwete amapange ayasuma, kabili, “Ubushiku bumo, nge fintu fyamusango ifi ngafyacitika, tuli nokuyamo pamo na Munyina Noa, pantu ena muntu musuma.” Lelo, mulemona, cena caishileingisha fye cinekonse konse mukati.

⁶⁷ Nomba tontonkanyeni nganshi nomnba. Nga cakutila ulalambalalafye uleba uwabula amaka, ingilamo. Angufyanyeni, bwangu bwangu, pantu umwinshi kuti waisalika inshita ili yonse.

⁶⁸ Kabili lyonse kulaba icipao mubwikashi bwakwa Lesa. Mwali icipao munshiku shakwa Noah, kukupusushiwa kwa bantu Bakwe. Mwali icipao munshiku shamalango, icipao cabunte. Munshiku shamalango, bena bakonkele icipao.

Kabili kuli ubwacitatu nomba; nga filya inshita yakwa Noah, inshita yakwa Loti, kabili nomba iyi nshita. Kuliko icibwato nomba. Kabili cilya cipao tacaba icilonganino, nangula imilimo isuma iyo mucita. Caba “ku Mupashi umo,” Abena Roma 8:1 itila, “ifwe bonse tulabatishiwa mu Mubili umo, mubuteko bwa bulyo Bufumu, ulubatisho lumo ulwa bu Mupashi.” Te mulandu ifyo waba umusuma, ifyo wingaba uwabipa, fyonse ifyo muli muli bulya Bufumu ku—ku lubatisho lwa Mupashi wa Mushilo. Mwamona? Ilya enshilafye yeka mwinga cimfishamo. Cena e fyonse ifili pesamba lya Mulopa uwasumishiwa e bakacimfya, pantu imwe tekuti mucimfye, mwebene. Ni Uyo uwa mucimfische. Imwe muletusha.

⁶⁹ “Musango nshi Ningshiba nomba, Munyina Branham, ukutila Ndi Mulya?” Moneni umusango wamweo uo muleikala. Lolesheni fye mumbali. Moneni nga cakutila nacikala fye muli imwe, ukuicitikila icine. Nangu, bushe mulingile ukufunshika nokutinta, mwamona, nomba mulecicita. Lelo mwiesha ukucicita. Bushe mwalitala amweshwa? Ee. Mwiesha.

⁷⁰ Ngo kubika ukuboko kwa kanya mucipunda umupita amaboko mucakufwala, mwamona. Ena alifye pamulu, palya, kabili ifintu fyonse ifyashala. Mwamona? Ena tekuti acicite. “Fwala ikoti lyobe, we mutemwikwa.” Ena tekuti acicite. Akakuboko akanono naka pamulu, panshi, ukushinguluka. Cena cisenda ukuboko kwenu ukushitellententa.

Oh, ifyo Ndi uwansansa, kuti Napelafye ukuboko kwandi kuli Taata, tila, “Shikulu Yesu, Ine tekuti nyingile Mulya. Imwe ngafwilisheni. Mfwalikeni ikoti.” Naleka ukweshwa. Lekenifye Acicite. Mwamona?

⁷¹ Nga akanya akanono katwalilila ukweshwa nokutila, “Oh, Ine kuti nacicita. Ine kuti nacicita.” Kabili ena kulayafye konse konse. Ena tekuti acicite.

Nangu nimwe, nangu Nine teti tucite, lelo nga ifwe tuli nokwikatililafye shilili nokuleka Ena ukucicita. Ukuipela fye kuli Ena, “Pano, Shikulu, Ndi pano. Lekeneni fye—lekeneni fye mbe nangu cimo. Nde—Ndeipela. Imwe bikeneni ukuboko kwandi mucifulo icalinga.” Kulya e kucimfya. Kulya e kucimfya.

⁷² Icintu ufwile ukucimfya niwe wemwine, itontonkanyo lyobe, icintu cobe, kabili ipele kuli Ena. Ena ukukucimfisha. Ena alishiba umusango; ifwe tatucita.

⁷³ Lelo munshita yakwa Noah kwaliko bakacimfya cinekonse konse, kabili cilya e caingilemo. Bena baliketwe mukati.

Nomba lolesheni, mwe banandi. Ndecetekela bena baleambula ici. Kabili nga cili pacitunshi tunshi, nangu te c-. . .njeleleniko, tepu. Conse ico mucita, ninani ulelutika nomba, nangu ninani uli nokumfwa panuma ya ino nshita, cili ninshita yabushiku nganshi, kabili imwe mwalikwata amapange ayasuma, lelo senweni mukati. Nomba, mwiesha ukulwisha. “Te uyo ufwaya, nangu uyo ubutuka, lelo Lesa.” Lekeleni fye Lesa. Ipelenifye mwebene kuli Ena kabili twalilileni ukwenda, necapwililika icicetekelo, ukutila, “Ifyo Lesa alaile Ena ali uwalinga ukubomba.” Te kuilunda ku cilonganano cimo, icilonganano cimbi, ukubomba *ici*, *cilya*, nangu *icinankwe*, ukweshwa *ici*. Ukuipela fye we mwine kuli Lesa, nokwenda na Ena, umutende, ukuba tondolo, ukwabula ukulekapo. Twalilileni fye ukwenda na Ena. Ico cishinka.

⁷⁴ Cilya eco Naebele munyinefwe uwaakwete fye u—ukukana bomba. Mwamona? “Ukuipela fye kuli Ena. Ena ali pano, Ena Uyo uwaishiba ifyo wacita, kabili ne fyalengele ubuntu bwenu nokucita muli *uyu* musango, kabili nafyonse filya. Ena alishiba fyonse palwa imwe, kabili nomba Ena namweba fye nakabili ifya kucita. Nomba,” Natile, “icintu fye cimo ico mulingile ukucita caba fye ukuya cicita. Ici ekutila, ukulabako inshita yonse iyakale, ukwenda, ukwikalila kuntanshi, mu Bukata na Mukubapo kwakwa Lesa.”

Cinekonse konse bakacimfya.

⁷⁵ Munshiku shanshita yakwa Daniele, kwaliko bakacimfya bane abo abaiminine ubwesho bwa mulilo nenkalamo.

Nomba, ifwe tuleenekelwa ukweshiwa. Lilya lisambililo ilisuma ilyandi—munyinane kunuma uko, pamo. “Uyo uwisa kuli Lesa alingile intanshi ukweshiwa.” Ukweshiwa (cinshi?) ne Cebo. Kulya ekweshwa kwa kwa Lesa. Bushe mulecicetekela? “Uyo wisa kuli Lesa alingile ukweshiwa.” Cilya cilangisha fye umwana wacine, kanshi, mwamona, ukweshiwa. Kabili ilyo ukweshiwa kwaisa. . .Imwe tekuti mucimfiwe kano fye kuliko ubwesho ubwapelwa kuli imwe. Kabili ilyo ukweshiwa

kwapelwa, kumona nga cakutila kuti mwacimfya nangu iyo. Kabili Yesu atile, “Kuli uyo uwacimfya,” ukweshiwa. Ubwesho ecintu icikalamba nganshi icacitikapo kuli imwe. Ndecetekela calilembwa mu Malembo, Petro atile, ukuti, “Amesho yesu yaliba ayauma umutengo kuli ifwe ukucila golde iisuma.” Yena ninshita yakweshiwa. Cena cishininkisho icisuma kuli ifwe ukutila Lesa ali naifwe, ilyo ifwe twaeshiwa, pantu abana bonse abakwa Lesa baeshiwa nokweshwa.

⁷⁶ Kabili Daniele, umuntu, kasesema; Shadrachi; Meshachi; na Abednego; Daniele ali kasesema; kabili cilya cali iciputulwa ca Chalichi muli bulya bushiku, Ndepilibula, Nabwinga. Kwalibako ama chalichi ayengi, nalimo ba milioni babili aba bena baile kulya. Lelo kwaliko. . . Cilya cali iciputulwa cakwa kacimfya. Kabili balya bakacimfya babikilwe pa kweshiwa. Kabili kacimfya onse alingile ukubikwa mukweshiwa. Kabili ilyo batile, “Ubwekeshe ifyo i Cebo cisosa, nangu limbi kuposwa mwilungu lya mulilo,” bena balikene icintu cimbi kano i Cebo.

⁷⁷ Kabili ilyo Daniele apelwe ukweshiwa, ukutila alingile ukubweshwa ifyo i Cebo casosele, ukutila bena balingile ukushintilila ukulola kwi tempile, ngefyo Solomoni apepele, kabili Ena ali nokubapokolola ukufuma ku fintu fyonse, Lesa kuti aumfwa ukufuma ku Muulu kupepa, nga kuti balolesha ukulola kwitempele nokupepa, kabili atile, “Ngo muntu apepa mukati kaishi nshiku, kabili ifwe tuli ba Medo-Persians, abashinga cinja nangu ukupilibula amafunde, uyo muntu ali nokuposwa mwilinga lya nkalamo,” bena balimuteyele iciteyo, ena, Ndecetekela ulya kasesema alishibe ico, lelo balimuteyele iciteyo, aendele uwaicefya, ilyo inshita yafika iyakuti apepe, ilyo, ena aishibe, kuncende yakumwabo mu Yerusalemu, kwali ilambo ilyalepya pa cipailo, Daniele tatinine shilya inengu.

⁷⁸ Aimishe ifyakucinga, nokuposa ifyakufimba pama windo, kabili afukeme panshi pa makufi yakwe, kabili abikile amaboko yakwe kuli Lesa nokupepa. Mulandu nshi? Ukuba no mweo nangu ukufwa, alikwete ukucimfya. Kabili, eico kanshi, ukucimfya ukwingi nganshi mpaka inkalamo tekuti shicilye. Ena—ena alicimfishe.

⁷⁹ I. . . Shadrachi, Meshachi, Abedinego balikwete ukucimfya nganshi mpaka inkalamo. . . mpaka umulilo wafilwa ukucoca. Namwishiba, ukucimfya cintu cakosa ukoca ukucifumyapo, nangu ukulya, nangu icintu icili conse. Mwamona? Eico, bena, bena balicikwete.

⁸⁰ Ine limbi kuti nalumbula umuntu umbi. Mu nshiku shakwa Loti, Yesu asontelele kuli cena, kwali fye batatu abacimfishe, Loti na bana bakwe abanakashi babili. Te mukashi wakwe; ta cimfishe. Ena—ena atendeke. Ena cipasho. Ndekabila nga twalikwete nshita. Ba miniti amakumi yatatu bali fye pamulu

ino ine nshita. Mwamona? Mwamona? Ena, ena alicitile fye bwino, ena alifuminepo.

⁸¹ Nomba Ningile ukupela ici kuli imwe, pakashita fye. Mwebengi imwe namufuma, pamo. Mwebengi imwe mwalisha ifi fintu, ukusenda ukwiminina kwenu, panuma ilyo mwa Cifwaya ukupita mu Malembo noku Cisanga cili icalungama. Mwalimwene icishininkisho icakwa Lesa Impalume; tekuli bamo, ifyo muntu umo *asosele* cali icishininkisho. Ifyo Baibele yasosele ukutila cikaba, kabili pano Cena cilecicita. Mwalimwene Cena cali Icine. Eico, imwe namwima, ukufuma mu Sodomu, sheni icilonganino, sheni ifintu ifimikakila kucisumino; nokukonka Kristu, ku Mupashi wa Mushilo ukuishininkisha Umwine ku Cebo cakwa Lesa icalembwa. Mu mashiwi yambi, imwe mwalisenda Baibele mucifulo cacisumino. Imwe mwalitantika, ukukonka.

⁸² Ukuba, umukashi wakwa Loti acitile icintu cimo cine, namwishiba. Ena alimine, ukuya na Loti, ukukonka umulume wakwe, abana bakwe, abatemwikwa bakwe, lelo Cena tacali mumutima wakwe. Ena acili alitemenwe isonde. Eico kuti cacitwa imwe kuti mwatendeka, kabili nalyo line ukuba isonde muli imwe. Mwamona? Ena tatalile acimfya. Kabili nangula ena ali umutuntulu mumusebo, cena mukulekelesha camufumishepo ena. Alingile ukulolesha umuku umo uukalamba, ukutali, ukulolesha kwakulekelesha. Apo epo aiketwe. Mwilalolesha kunuma. Mwilakwata ukukabila. Twalilileni ukulaya. Bikeni amano yenu pa Kalbale nokutwalilila ukuya kuli Kristu. Mwamona? Mwamona?

⁸³ Ena atendeke, nga kacimfya, lelo ena tatalile cimfya. Oh, ashile icilonganino. Alicitile ico. Afumine mu Sodomu, na Loti. Lelo alefwaya ukubwekelamo nokubeye mishishi yakwe. Namwishiba ico Ndepilibula. Mwamona? Ena ali nokubwelelamo. Ena alifililwefye ukwiminina pa—pa kweshiwa. Ena alingile ukulolesha kunuma nakabili, ukumona ifyo abashala balecita. “Oh, namwishiba, Nalikwete abanandi bamo abasuma kwisamba kulya, nangu cibe fyo. Kabili, nangu cibe fyo, uku limbi kuti kwaba fye ukusela ukunono—ukunono. Nshishibe nga cakutila kuti caba icalungama nangu iyo. Ine—Nkwete fye icebo ca uyu muntu pali cena, nangula mulume wandi. Lelo nomba...” Kacema obe mulume obe, ukulanda mufya bumupashi, mulemona. “Nomba, nga cakutila kuti caba icalungama anangu iyo, Nshishibe. Nalimo ena, ubusokololo bwakwe tabwali ubwalungama.”

Kanshi, nga imwe tamuli abaikushiwa umupwilapo, tamuli abaishiba mukupwililika ukutila Cena Cebo cakwa Lesa, lyena—lyena imwe tekuti muye. Mwamona? Imwe mulingile ukushitishiwa mucine cine. Imwe mulingile ukwishiba. Tekusosa fye, “Ukuba, Ndemona bambi ukucicita. Ndemona icishibilo.”

⁸⁴ Namwishiba, Israeli atendeke ukuya, kuti Nasosa icintu cimo cine nokucileta muno. Bena batendeke ukwenda, ba milioni babili abamaka, no kupwisha nabaume babili. Nacilungama. Balimwene imilimo yakwa Lesa. Balimwene imibombele ya Mupashi. Balimwene ifipeshamano ifikalamba, ifipeshamano ifyapulamo ukucitwa kulya mu Egypto, nefintu fyonse, nokutendeka ukwenda. Lelo cena—cena tacali mumitima yabo. Bena taba cimfishe. Bena baishile fuma fye. Kabili Yesu atile, “Kabili balyonaike mumatololo,” kabili bena balifwa u Muyayaya. “Cila umo uwa bena balifwa,” cilya cilepilibula ukupatulwa ukwa Muyayaya. Cila umo muli bena abolele mumatololo.

⁸⁵ Lelo kwali abaume babili, Yoshua na Kalebu. Kabili ilyo caishile kucilangisho, ifyakucinga fyali ifikalamba nganshi mpaka bamoneke nge fipaso kuli bena. Yoshua alibilikishe na Kalebu, kabili atile, “Ifwe tuli abacila napa kucicita.” Mulandu nshi? “Les a efyo asosa.” Kabili bena bali bakacimfya. Bena balicimfishe. Bena bali ni abo abali abashuka, ukufuma muli kalya kabungwe akakalamba aka bantu, ukusenda icituntulu, Nabwina uwasalwa mumpanga yabulayo. Yoshua na Kalebu muncende yakuntanshi mubulwi bulya, nga abakalamba babili, babatungulwile ukuya panshi ukya kucimana, nokutoloka icimana, ukuya mucalo cabulayo. Mulandu nshi? Bena bacetekele i Cebo, temulandu ifyo cili.

⁸⁶ Nomba, Dathani alimine. Dathani, ntile, ali ima, kabili nao Kora alimine, kabili bena balyeseshe ukutila, “Uyu muntu alesha ukulenga umwine ukucila ifwe bonse; ena ali uwamushilo nganshi ukucila abashala bonse.” Panuma Lesa ashininkisha bwino bwino umwaume. Batile, “Twalatendeka fye ibumba lya bantu kabili twalapanga *ici, cilya*, nangu *icibiye*, kabili tuli nokupanga utubungwe twesu, tuli nokucita...” Kabili balifwile nokonaika.

Lelo balya abaume balikwete cilye Cebo cakwa Shikulu, kabili balikele na Cena, kabili balipitile.

“Te uyo utendeka; uyo upwisha.” Abengi balatendeka ulubilo, lelo kuliko Umo uulecipwisha cena. Kukaba ama chalichi ayengi ayakatendeka, amabumba ayengi ayabantu. Kukaba Ibumba limo ilikapwisha. Balya ebakacimfya.

⁸⁷ Mu bushiku bwakwa Loti, ee, alingile ukulolesha umuku umo uuukalamba, ukulolesha ukutali kunuma. “Oh, Ndeya *Wakuti-na-wakuti* kwisamba kulya, shilye nshita ishisuma isho twalekwata. Nshakatale labako.” Kabili aliketwe, ukwisalilwa panse, nga filya cali munshiku shakwa Noah. Ena alisalilwe kunse, ukwabula uluse, kabili ena alifwile. Kabili u—umupili ucili waliminina palya ileelo. Bena batila (Nshishibe) imwe kuti mwaputulako iciputulwa ukufuma kuli cena kabili cena cikakula, intumba ya mucele. Bushe mwalitala monapo cilya

cikope ca *Sodomu Na Gomora*, muli nokumona ntumba yapa kutendeka iya mucele iyo yaiminine kulya.

⁸⁸ Nomba, kwalibako ubupusano pakati ka ntumba ya mucele ne Ntumba ya Mulilo. Mwamona? Imwe mulingile ukupilibuka inshila imo. Ee.

⁸⁹ Moneni, muli Yohane inshita ya Baptisti. Muli Yohane inshita ya Baptisti, kwasangilwe mutanda iyacimfya. Munkulo shonse, bena balikwete bakacimfya. Mu nshita yakwa Yohane bakwete mutanda, ulya ali ni Yosefe na Maliya, Zakaliya na Elisabeth, Simeone na Anna. Umwaume no mwanakashi, umwaume no mwanakashi, umwaume no mwanakashi; mwamona, icipasho cakwa Kristu, i Chalichi; Kristu, i Chalichi; Kristu, i Chalichi; Kristu, i Chalichi. Mwamona? Mwamona?

⁹⁰ Moneni, cena ciletendeka ukufuma kumuntu wacifyalilwa. Iyo-. . . Mo-. . . Yosefe, umuntu wacifyalilwa, Yosefe, ena ali nicinshi? Kapala wambao. Elyo shimapepo, ena ali nicinshi, mwamona? Kapyunga mu ng'anda yakwa Shikulu; Zakaliya. Kabili ukufuma kuli cilya, ukuya kuli Simeon, kasesema na kasesema mwanakashi. Mwamona? . . . ? . . . Ukulungamikwa, ukusangululwa, ulubatisho lwa Mupashi wa Mushilo. Amen. Bushe tamulecimona? Mukupwililika. Ukucimfya mutanda. Bonse abashala, bena bapele ilambo lyabo ne intu fyonse, lelo aba bali Abasalwa. Bena bali cimfische.

⁹¹ Moneni cila nkulo yachalichi. Ukucimfya kumo kwine ilyo bena, cila mwana ukufuma muli cila nkulo yachalichi ukucimfya ubwesho bwa ilya nshita. Ninkwata Amalemo pano. Nshiletonkanya ukutula ifwe mucine twalikwata inshita iyalinga ukucicita, lelo twalishiba cila imo iya nkulo yama chalichi. Cimo cine nomba. Cili kwati muntu umo uyo uuli. . .

⁹² Mwamona, ngefyo Nasosele pakutendeka, imwe mwalifyalwa. Kabili kulya kufyalwa tekuti ku kulete ku—ku Mweo, pantu mwalifyalwa ukucimfiwa. Kabili muli mwisonde ilya cimfiwa, pakati kabantu abacimfiwa, pakati kafisumino ifyacimfiwa, ifilonganino ifyacimfiwa. Ufwile ukwisa kukucimfya munshila imo.

⁹³ Cabafye nga cananika. Inga. . . Cananika, Ndetontonkanya, nilimo pamaluba ayawamisha ayo ayabako. Nalitemwa nganshi aya amaluba yamusango wacananika wamufikulwa na cananika wamumumana. Ndetontonkanya ukutula tapaba icintu icawamapo ukucila umukalamba cananika wamucishiba, iteni ukutula cananika wamumenshi. Wekusanika we! Nomba, nikwisa kufuma? Kalubuto akanono, panshi pamatipa, apalamba pacishiba. Kabili lulya lubuto ulunono, nomba, konse ukusanika uko lukatala balika muli lwena, kwaba muli lwena lilya line, ilyo yaba muli yalya matipa. Lelo cilingile ukulwisha, cilabushiku, ukwishiba ukutula kwalibako icintu cimo. Cintu cafita. Cena calamba. Cena cafiko. Cena

matipa yafiko. Mumatipa yafiko umo lileikala, lelo lilasunka ukupita mumatipa, mumatipa yafiko, namenshi, nencende ishishisela, mpaka yena yafumishe umutwe pamulu, mulubuuto, nokulangisha ico icafishilwe muli cena inshitafye yonse.

⁹⁴ Ndetontonkanya ulya nikacimfya, ukutila, umuku umo mulubembu, inshita imo acitile ifintu ifyo fyalubana, mwisakamana palwa cena nomba. Inshita imo ifintu ifyalubana, lyena, nomba cinshi lolesheni kunuma mucishiba nakabili? Mwamona? Lolesheni, imwe namukwata . . .

⁹⁵ Lesa, kukulingilwa kabela Kwakwe, mwamona, naleta ulubuto kumweo, kabili lwena luleipatikisha ulwine, mwamona, ukwisa kulubuuto. Kabili nomba, pamulu wafyonse filya, cena nacicimfya. Mwamona? Cena tacileilangisha icine *mulya* mukati. Lilefuma, ukuti iilangishe iine.

Nangula imwe, mumembu shenu—shenu, nobucende, nefintu fyonse ifyo mwaikemo. Imwe tamwalangishe nangu cimo. Lelo mwali ulubuto mulya, kabili lwaishilekwata ishuko lya kuipatikisha ulwine mu Lubuuto. Kabili nomba imwe muli mu Kubapo kwakwa Yesu Kristu, no Lubuuto lwa Mwana. Cena caletele ifyo imwe mucine mwali mukutendeka. Namumona ifyo Ndepilibula? Mwalimwene u Lubuuto. Mwalisapwile. Mwaliswile umutima wenu, kabili nomba uli cananika.

⁹⁶ Muleibukisha imbila yandi pali cananika? Shimapepo Cananika, ifyo acululuka. “Kabili, nomba, ena tapilibuka. Kabili nomba, Solomoni, mubukata bwakwe bonse, tasasamikwe nga umu uwa aba.” Ena—ena—ena—ena . . . Lolesheni kuli ena. Ena ali uwaiteyanya uku— . . . Ena tasakamana nangu cimo umwine. Cananika tasakama nangu cimo palwakwe. Cinshi ico acita? Ena—ena alafumyapo ukuyemba kwakwe, umweo wakwe, pakutila bambi bengamona. Umweo wakwe bulalangishiwa, ukuti bambi bamone ubukata, ifyaba muli ena, ico icali muli ena mumatipa. Nomba ena ali pamulu.

Ulya nikacimfya. Ena alicimfishe amatipa. Ena alicimfishe ifintu fya mwisonde. Kabili nomba ena aliipela fye umwine. Umuntu onse kuti alolekesha pali ena. Umweo wakwe, imwe tekuti mubike umunwe pali cena. Mwamona? Ena nikacimfya umwine mwine. Teti usosepo icintu nangu cimo palwa ena nomba. Ukusosa, “Ena afuma mumatipa.” Lelo ena taba mumatipa nomba. Ena ali pamulu waciko. Amen. Imwe tekuti, lyena, sonteni kunuma ifyo ena ali. Ena nicinshi nomba? Ena ali pamulu.

⁹⁷ Elyo ulushimu lulesa nokutila, “Ulya musashi uusuma. Ndecetekela Nalaya nokusenda iciputulwa candi.”

⁹⁸ Ena aisulafye umutima wakwe, “Isa kuno nomba. Cisuma.” Ifintu fyonse fifumya kuli ena. Mwamona? Ena ni—ena ni kakumba wacine. Ena alalangisha Ubukata bwakwa Lesa.

Kabili lolesheni uko ena afumine. Ena alingile ukucimfya, ukucita cilya.

⁹⁹ Inshita imo, ena nangu ali uwacaice kabili umusuma, uwaemba. Balikwete amesho ayengi ayakupitamo, lelo balicimfishe cilya. Mwamona? Balicimfishe. Nomba balelangisha ukuyemba ukwine kwine ukwa kwa Kristu mumweo wabo. Moneni, ukulangisha, ukupitila mumatipa.

¹⁰⁰ Yesu alitupele icilangililo, ifyakucicita. Nomba tulefwaya ukwishiba ifya kucimfya. Yesu alitwebele ifyakucicita. Mwamona? Ukuicefya! Ukuifimba Umwine, asendele itawelo, nokusamba inkasa sha basambi nokubafumyamo. Lesa uwaku Muulufye alicefeshe Umwine eka.

¹⁰¹ Ifwe tatulefwaya ukuicefya. Emulandu wine abanakashi tabafwaya imishishi yabo ukukula, mwamona, umulandu bena tabafwaya ukufwala nga bana mayo balingile ukufwala. Kwati, abantu tabafwaya ukumona, mwamona, caba cimo cine. Bena tabacita ico. Bena—bena ukuicefya.

Lelo, Yesu, lyonse! Lolesheni ifyo Ena Ali. Ubukalamba! Nalalanda icintu cimo. Ubukalamba bulaicefya ubwine. *Ubukulu* bulaicefya ubwine. Ubukalamba!

¹⁰² Nalikwata ishuko ilya kukwata, ukukumana nabantu bamo abakalamba. Kabili ni aba abalumendo abo abakwata ifyakufwala ifyakucinja, kabili amacenti amakumi yasano mwitumba lyabo, kabili nokulisha, ulya emwaume uutontontonkanya ena cintu cimo ilyo ena tali nangu cimo. Lelo Naiminine pa baume abakalamba, Ndepilibula abaume abakalamba namaboko ayalepauka, amapitao. Bena balelenga iwe ukutontonkanya ukutila uli muntu umukalamba. Mwamona?

Ubukalamba kuicefya. Mwilaba ukutila, Chalichi. Ubukalamba builangisha mukuicefya, tefyo waba umuntu umusuma.

Nshilepilibula uwafiko, nomba. Nde—Ndepilibula uwapetama mumupashi. Mwamona? Nshilepilibula ukulsenda fye—ukufuma kabili mwilaesha ukusamba no kuwamishiwa. Cilya, imwe mulingile ukucita cilya. Namwishiba cilya. Mwamona?

Lelo Ndelanda palwa kuicefya, ukuicefya ukwine kwine, tecintu cimo icabikwapo. Icintu cimo icili, cilya caba ukuicefya nganshi.

¹⁰³ Yesu alitwebele ifya kucicita. Ena alicimfishe. Cilepilibula... *Ukucimfya* cipilibula “ukushipikisha ubwesho,” ico cishinka, nga bonse abamushilo abakale bacitile; nga fintu Yesu acitile: pakati kabalwani Bakwe, Alishipikishe ukweshiwa. Ifintu fyonse ifyo Ena aeshiwemo, Ena alishipikishe. Mucinso cabulwele, kabili Ena ukuba Messiya, Alibondepe. Mucinso

camfwa, Ena alicibwekeshe kumweo. Mucinso ca Kalbale, imfwa Yakwe Umwine, Alicimfishe pa kuipela Umwine. Mulandu nshi? Ku Cebo. Atile, “Mukonaule ili Tempele, kabili Nkalimya munshiku shitatu.” I Cebo eflyo casosa. Mwamona? Kabili mucinso camfwa, Alicimfishe. Alicimfishe imfwa. Mucinso cakumbo, Alicimfishe mbo nokucimfya imbo. Ee. Mucinso canshishi, Alicimfishe inshishi. Mulandu nshi? Fyonse ku niku Cebo, nokuicefya. Oh, owe! Uyo e Muntu umwine mwine. Ulya palya Umo ukupanga icilangililo cenu. Mwamona? Alicimfishe icintu icili conse, ukucimfya.

¹⁰⁴ Lolesheni. Ukweshiwa kwali pali Ena. Mwalishiba ico? Baibele itila, “Ena aeshiwe mufintu fyonse ngeflyo twaba, nomba ukwabula ulubembu.” Ena alyeshiwe ku—kukunwa. Ena alyeshiwe kubanakashi. Ena alyeshiwe kucintu conse ico engeshiwako. Alyeshiwe kufintu fyonse ifyo twaba. Ali u Muntu, kabili nelyo line tekuti mubike ululembo pali Ena. Ee, mukwai.

¹⁰⁵ *Ukucimfya* cipilibula “ukwishiba ciwa muli cila umo uwamibele yakwe.” Abantu abengi batila, “Takwaba ciwa. Cena litontonkanyo fye.” Mwilacetekela cilya. Kwaliba ciwa umutuntulu. Abafye umutuntulu nga imwe mwaba nangu abantu abali bonse. Ciwa umutuntulu, kabili imwe mufwile mwamwishiba bwino bwino. Imwe mulingile ukwishiba ukutila ena niciwa. Kanshi, inshita imo ine iyo imwe—imwe mulemwishiba, kabili mwalishiba ukutila ena niciwa kabili ena alamisusha imwe, kanshi, kukucimfya, imwe mulingile ukwishiba ukutila Lesa muli imwe alipulishamo kabili alipulishamo nganshi ukucila ifyo ena ali, ukutila Uyo uuli muli imwe na mucimfya kale. Kabili mukusenamina Kwakwe, imwe teti eminine naimwe. Amen. Ifyo ekucimfya, ilyo iwe waishiba.

¹⁰⁶ Ngamwalolesha kunuma, mwalila, “Nalacita *ici* kabili Nalacita na *cilya*,” nomba, iyo, imwe—imwe, ninshi namucimfiwa.

“Lelo takuli ukusekwa kuli abo abali muli Yesu Kristu, abo abashendela umwabela umubili, lelo abendela umwabela u Mupashi.” Nomba elyo mwingeshiba ukutila imwe namucimfya.

Kabili imwe mwaishiba ukutila ena ni ciwa.

Imwe tekuti mulile, “Ninkwata ubulwele, kabili Ine—Ine—Ine—Ine—Ine nshilectekela ukuti bwena bulwele.”

Oh, ee, *bwena* bulwele.

Naukwata ipwalonda, “tauctekele ukutila lyena lipwalonda.”

Lyena *li* pwalonda. Lyena *li* pwalonda.

Lelo, ibukisha ukuti, “Ena Mukalamba uyo uwaba muli iwe ukucila ena uwaba mwisonde.” Iwe ufwile wailuka ukutila Mupashi wa Mushilo uyo uwaba muli iwe kalekale nacimfya ni

cintu. Kabili Ena aba muli iwe, kabili iwe tekuti umucimfye ukutila muli Ena. Ico bwino bwino muli amano, bwino bwinofye munshila Amalemba yalembelwa. Bacimfya!

Mfwile naangufyanya. Napwisha ama minineta amakumi yane na yasano nomba. Nincilapo pa nshita ndeya munshita iipulilemo nomba.

¹⁰⁷ Moneni, ukucimfya! Lesa uyo uwaba muli iwe mukalamba ukucilo ulya umo uwaba muli ena. Ulya lesa uwa mwisonde taba umukalamba ngafintu Lesa wa Muulu, uyo uwaba muli iwe, alicilapo napamfifi ifyo ingeminina mukubapo kwa lubuto.

¹⁰⁸ Nomba, imfifi teti iminine mu cinso ca lubuuto. Nshilesakamana ifyo kwingaba ukwafita, ulubuuto luli nokulufumyapo. Lwena tekuti lwiminine. Ubukata! Lelo senda imfifi wingafwaya, nokweshwa ukupililikana nolubuuto inshita imo, mona icicitike.

Ulya e Umo uuli muli iwe, e Lubuuto. Kabili ulya uuli mwisonde nimfifi. Eico, u Lubuuto lwalushininkishiwa ukucimfya imfifi, kabili umuntu uuli muli Kristu kabili alishiba ukutila ena nacimfya ifintu fya mwisonde. Amen. Cena tacakwata nacimbi icakwampana kuli imwe, nakalya. Imwe muli bantungwa. “Endeni mu Lubuuto, ngefyo Ena aba mu Lubuuto, kabili u Mulopa wakwa Yesu Kristu ulatusangulula ukufuma kulubembu lonse, kabili twalikwata isenge umo nomubiye.” Efyo caba.

¹⁰⁹ “Uyo uuli muli imwe alipulishamo ukucila uyo uuli mwisonde.” Nomba, nga mwalolesha kunuma kabili mwasekwa, ninshi mucili mwisonde. Lelo nga muleikala pamulu waico, lyena Ena uuli muli imwe namutungulula pamulu wamfifi.

Nga cananika, ali pamulu wamfifi yamatipa. Ali pamulu wamfifi yamenshi yamatipa. Ena ali mulubuuto, ukulangisha ukuyemba uko kwabikilwe muli ena ilyo talafuma mumatipa. Amen.

¹¹⁰ Nomba Nde—Ndeumfwa ngo mwina Kristu ulebilikisha. Cinshi cali muli kuli Lesa, pakutendeka, caipatikishe ukwingila, ukucimfya. Cena cacimfishe icipapa. Cena cacimfishe amatipa. Cena cacimfishe amenshi. Cena cacimfishe ifintu fyonse, kabili cali cacimfya, kabili alangishe ukuyemba no Bukata bwakwa Lesa.

¹¹¹ Ulya e musango uwacetekela onse acita. Ulya e musango Noah acitilemo. Ulya e musango Loti acitilemo. Ulya e musango. Lolesheni ifyo cali icimfulunganya. Ulya e musango Mose acitilemo. Ulya e musango Yoshua acitile. Ulya e musango Daniele acitilemo. Ulya e musango Shadrachi, Meshachi acitile. Ulya e musango Yohane Kabatisha acitile; Zakaliya, Elisabeti. Iyo ine enshila intu Simeoni, iyo ine enshila intu Anna, cila umo pali bena acitilemo. Bacimfishe amatipa ayabashingulwike nokubengishamo. Abikile umutwe wabo pamulu wacintu,

nokubalika Ubukata bwakwa Lesa. Filya eflyo umwina Kristu umwine mwine acita.

¹¹² Ibukisheni, Yesu a Mulangishe ifyo cena cacitwa. Inshiku amakumi yane ayabwesho, Alyeshiwe pamulu wamuntu uuli onse uyo uwatalile eshiwa, mubwesho bwakwa Yesu Kristu. Moneni. Alitulangishe ifyo cicitwa.

Nomba Nalaisala, muma miniti fye ayanono.

¹¹³ Lolesheni. Ena alitulangisha ifyo cena cicitwa. Musango nshi Ena acicitilemo? Ku Cebo. Ulya e musango Ena acicitilemo, pantu Ena ali Cebo. Kabili Yesu atile, “Nga mwaikala muli Ine, ne Fyebo Fyandi muli imwe,” muli abakubwekela ku Cebo nakabili, i Cebo ica bulayo. I Cebo ca bulayo ku bwina Kristu bonse? “Uwapulishamo ni Uyo uuli muli imwe ukucila uyo uuli mwisonde.” Lyena musango nshi Ncimfishamo? Te ine, lelo i Cebo icili muli ine. I Cebo ni Lesa. Nomba Ine nalicimfya ifintu fya mucalo, pantu cena Cebo muli ine. “Nga mwaikala muli Ine, Ifyebo Fyandi muli imwe, lyena lombeni ico mulefwaya.” Twalilileni fye ukuya pamulu. Imwe muleisa pamulu, ngefyo mucine nge cintu icili conse. Mwamona? Imwe mulingile ukwisa pamulu.

¹¹⁴ Inshiku shakwe amakumi yane isha mesho, ku Cebo cakwa Lesa Ena alicimfishe. Ndefwaya ukulondolola icintu cimo pano pa maminiti fye ayanono. Satana apangile ifyakusansa fitatu pali Ena muli kulyo kweshiwa. Moneni. Cena lyonse caba muli filya fitatu. Mwilabako cena. Mwamona? Apangile ifyakusansa fitatu, ukufuma ku yacilishapo ukuya ku yacesha. Alyeseshe mukwishibisha kwakwe ukumucimfya Ena. Lelo Ena ali Cebo. Amen. Cinshi ico Ena abomfeshe? Umwine, i Cebo. Ifyakusansa fitatu ifyakwa Satana pali Ena, lelo Ena acikumenye. Ukulwisha konse, Ena kuti acipanga ne Cebo. Moneni ici nomba, ukufuma ku yacilishapo ukuya panshi.

¹¹⁵ Intanshi apangile ukulwisha kwakwe, ukubomfya amaka Yakwe ayakalamba. Icili, Ena alishibe Ena ali Cebo. Ena alishibe icifulo Cakwe. Iwe ulecetekela Ena alicitile? “Ine ne Mwana wa muntu.” Ena alishibe icifulo Cakwe. Kabili Satana alishile nokufwaya Ena ukubomfya amaka Yakwe Umwine Eka, ukumulisha Ena, adefwaya ukuilisha Umwine eka. Aali nensala. Umuntu alakwata insala, ena kuti acita fye icintu icili conse. Ena akeba, ubupupu, ukulomba, ukwashima, icintu icili conse. Mwamona? Alikwete kulya kukabila. Kabili Satana abomfeshe icifulo cakwe icikalamba icantanshi pali Ena, ukusenda amaka Yakwe ayo Ena apelwe ukucimfya nokuyabomfya pa Mwine. Ena tabomfeshe lyena pa Mwine. Iyo. Ena abomfeshe lyena pali bambi. Cilya cishinka. Ena abomfeshe pali bambi, te Mwine. Tacali ni Ena. Nangula, Ena ngalicitile. Ena mucine nga licicitile.

116 Lelo moneni eflyo ciwa aba? Ciwa afwaya imwe ukulamutontonkanyapo. Ena alefwaya fye ifyo Taata asosele ukucita. Ico nacilngama.

Atile, “Mulandu nshi,” Satana atile, “calilembwa, ‘Akapela ba Malaika ubutungulushi. . .”

117 Atile, “Ee, lelo nakabili calilembwa. . .” Mwamona? Mwacimon ico. Mwamona? Ena alishibe ifyo Ena Ali. Satana alicitile. . .

Itontonkanyo lilaya lileshika ukucila ifyo Lyalembwa. Mwamona? Cena kusubwa. Uluseke lwaba mukati ka Cena, mulemona, ifyo Cena cili mucine.

118 Nangula Ena ngalicicitile, Ena tacicitile. Lelo Ena—Ena tatalile ukulipila ukumfwana ku mibele yakwa Satana.

Nomba, apa pali icintu icisuma. Mwamona? Inshita imo Satana kuti akusenda, kabili ilyo muletontonkanya ukutila mulecita ubufwayo bwakwa Lesa, kabili kuti mwa mulenga imwe ukumfwana, imwe kuti mwakonka cena. Ee, mukwai. Ena mucine kuti acita.

119 Nomba lekeni fye tusende, tutile, nga bankashi yesu. Bena balyemba. Kabili ena kuti amutwala kucifulo, ukutila, imwe muleke imishishi yenu ukukula, imwe tamwailwike kabili mwaliweme mulisho, kabili, icantanshi ico mwaishiba, mwalaumfwa abapelelwa, akanono ukucila icintu cimbi. Imwe mwe baume bamo, namwishiba ico Ndepilibula. Mwamona? Kabili ena kuti asenda icintu cimo cine nokumipandilako amano. Ico nacilungama. Mwamona. Imwe mulingile ukucimfya cilya.

Ibukisheni fye, imwe muleikalila Lesa. Imwe namukwata ico mwaimininapo cimo, kabili ulya ni Yesu Kristu. Kunse ka cilya, takwaba icintu cimbi icipendwa. Ni Ena. Elyo, icabubili, lupwa lwenu. Elyo, ica citatu, nimwe bene. Lelo, intanshi, pali Lesa; icilekonkapo, ulupwa lwenu; kabili cimbi, kuli imwe. Muli mpendwa itatu; ilya e mpela yamusebo. Ibikeni mwebene kumpela; Alicitile ico.

120 Lolesheni ifyo Ena ali nokucita. Atile, “Ine kuti naita Taata Wandi, ukulanda na Ena, Ena kuti Antumina fye itulwe ikumi limo nayabili aya ba Malaika.” Ilyo, umo uwa muli Bena kuti aonaula icalo. Atile, “Ngo Bufumu Bwandi bwali nili isonde, lyena abantu Bandi kuti balwa. Lelo Ubufumu Bwandi bwa ku Muulu.” Eflyo caba. Mwamona? Ena ngalicitile cilya, lelo Ena tacitile. Mwamona? Nangula, Ena ngalicicitile. Ena tatalile umfwa kwipusha kwakwa Satana.

121 Nomba, bushe mwalyumfwa abantu ukutila, “Nga—nga imwe mwacetekela ukuti—kuliko kondapa uwa maka yakwa Lesa. . . Nga imwe muli kondapa wamaka yakwa Lesa. . . Kabiye kasende kondapa obe uwa maka yakwa Lesa. Ninkwata umuntu

kuno lubali, umulwele. Ndefwaya ukumumona ukumundapa.” Mwamona ulya ciwa umo wine? Ena aleesha ukumfwana na imwe. Ena aleesha ukulenga imwe ukumfwa kuli ena mucifulo cakwa Lesa. Lelo umwine mwine, umubomfi uwa cine uwakwa Lesa akakutika nokumona ifyo Taata alesosa, intanshi. Mwamona?

¹²² Ngo mwana umunono uwakwa Stadklev, ilyo bamutumine kuno. Kabili ba Misisi Skedur batile, “Munyina Branham, Natumine ukufuma ku Germany.” Kwali abashilika baku America, naimo indeke iibutuka naikila pacibansa, kuti antwala ku Germany nakunuma, mubushiku. Ali nikashimikila wamu fita. Kabili akanya kalilele, akafwa. Kabili ulya nyina umunono alepunda, atile, “Umfwa!” Natile, “Ninjishiba. Naliminine palya pene nokumona ulyo mwanakashi ukwikata kalya kanya akafwile mumaboko yakwe, akafwile lulyo lucelo. Nalimwene Munyina Branham ukwisa fye kulya lubali, ukubika indupi pali kalya kanya akafwa, kabili kena kaishileba nomweo.” Atile, “Uyu mwana wandi, Munyina Branham.” Takwatala akuba imfwa mulupwa lwabo. Mwamona? Kabili aka kantu akanono kalilwele ulucelo lumo nokufwa cilya cungulo.

Bonse baiminine ukushinguluka, nokupela ama busesemo nefintu, “Umwana ali nokubuka,” kabili nafyonse nga filya.

¹²³ Natile, “Ukuba, cilya cintu cawama nganshi, Nkashi Stadsklev. Lelo lekeni mone ifyo Taata alesosa.”

Naile mumitengo. Kabili Nalipepele. Abwela mukati; ena aita imiku ibili nangu itatu ilyo Nshilabwela ulucelo ulwakonkapo. Nangu cimo.

Doctor atile, “Cilifye bwino.” Atile, “Nga cilya eco, nga namukwata icitetekelo nga ulya, namayo, tatwakatale leka akanya ukufuma mucipatala. Lekeni cena cikale apa pene. Imwe ikaleni apa pene nacena. Cilya cilifye bwino.”

Munyina Stadsklev aile nokumona ifita ifikankala. Batile, “Mucine. Twalamuleta uko, nokumubwesa.”

¹²⁴ Kabili pali indeke naikala, ilelolela, ukusenda mulucelo nokumbwesa munshita yabushiku, ku Germany, ki Heldelberg, Germany, pa kututubuka kwa aka kanya. Natile, “Mucine, Lesa kuti acicita, lelo lekeni tumone ifyo ubufwayo Bwakwe buli.”

¹²⁵ Elyo Nalile kulya, nokupepa ubushiku bonse. Tapali nangu cimo icacitike. Naishilebwela ulucelo ulwa konkelepo; tapali nangu cimo icacitike. Kabili Naingile mumuputule. Lilya line fye Naliloleshe kulya, kabili kulya kwaiminine lulyo Lubuuto ukulebela palya pa mwinshi. Atile, “Wibika ukuboko kobe pali cilya. Wicikalipila cilya. Kulya kuboko kwakwa Lesa.”

¹²⁶ Namutumine lamyā. Natile, “Nkashi Stadsklev, shika umwana obe. Cena kuboko kwakwa Shikulu. Cena bufwayo bwakwa Lesa. Icintu cimo kuti cacitika kuli ulya mwana mukuya

kwanshita. Muleke aye uko Lesa eshibe ati eko ali. Imwe kuti mwaya kuli ena nomba. Ena wa mweo, imwe teti mucite. Imwe mulekeni filya fine.”

¹²⁷ Ulya kashimikila umukalamba wa ci Lutherani mu Germany alembele inkalata kabili atile, “Ifyo Ningatasha, ifyo, Munyina Branham ukulolela pali kulyo kusala ukwapwililika ukwa kwa Lesa, ilyo talasosa icintu icili conse.”

Efyo caba. Ikato kusala kwa kwa Lesa. Te mulandu ifyo bambi balesosa, nangu conse ifyo cili, mwiposako amano kuli Satana, iyo.

¹²⁸ Nga Satana atila, “Nomba, ulubatisho lwa mumenshi, ishina lyakwa “Taata, Mwana. . .” Nga cakuti, aisakwipusha, cileke cibe. Lesa alanda icapusanako. Nga atila, “Iwe uli muntu musuma, iwe taulingile ukuba. . . Iwe uli mwanakashi musuma, iwe taulingile ukucita. . .” Bushe imwe tamuleposako amano. Nge Cebo casosa icintu cimo icabelala, imwe ikaleni ne Cebo temulandu ifyo cena cili. Cilya e cilangililo Yesu apele kuli imwe, kabili ulya palya umukankala, mwamona, uo ena alengele pali Ena.

¹²⁹ Elyo, umulandu wa cibili. Nalaangufyanya. Cilemoneka fye kwati inshita ileenda bwangu. Icakonkapo icakusansa cali, ukutila apangile pali Ena, ukuti Ena kuti aba uwakuilanga.

Kabili ifyo cilya cipuma ababomfi bakwa Lesa, ukuba icakulangisha, ukulangisha ifyo mwingacita. “Ubukata kuli Lesa! Alleluya! Ine ndi kapususha! Ine efyo *naba*.” Mwamona? Mwamona?

¹³⁰ “Isa kuno, pamulu wetempele, kabili nokwikala pano.” Ena alimweshe Ena ukucita ico. Nomba, ibukisheni, Ena alyeshiwe ukucita, mumaka. Atile, “Nomba, nga Mulefwaya ukuba icintu cimo kuntanshi yabantu, iminineni pano pali ili tempile, cifulefule.” Mwamona? “Nala Mupela Amalemba pali cena, pantu calilembwa, ‘Ena akapela ba Malaika ukulolesha pali Imwe, epali, inshita ili yonse, ukuyuma ukulu kulibwe. Ena akakwimya Iwe.’” Uku Mupanga uwakuilanga, ukulangisha amaka Yakwe.

¹³¹ Takuli umubomfi uwa cine uwakwa Lesa uucita cilya. Mulemona umwaume ukuilanga, icifuba cakwe kunse, kabili nafyonse nga filya, ibukisheni fye, kuliko icintu cimo icalubana kulya. Iyo. Lesa talefwaya cilya. Yesu atantike icilangililo. Ena nga alicicitile. Ena mucine nga alicicitile, lelo Ena tacicitile. Takuli umubomfi wakwa Lesa untu ailanga, umwine eka, ukwasha ukusenda amaka yakwa Lesa nokuilanga umwine eka pa muntu umbi.

¹³² Muleibukisha Mose alicitile ico? Ibukisheni cena? Lesa amupele amaka ukucita icili conse ico alefwaya ukucita; alengele ena ukuba kasesema. Ena aile kuli cilya Cilibwe, kabili

ena apumine Icilibwe umuku wacibili. Cilya cali ukususha ubufwayo bwakwa Lesa.

Lesa atile, “Landa kuli ico Cilibwe. Mwicuma nakabili. Imwe muleonaula fyonse i—fyonse i—icipasho pano. I Cilibwe cili nokupumwa fye umuku umo.” Lelo ena alandile pabunake ubwa Cebo ilyo acitile cilya; Cilya tacali icalinga. Ee. I Cebo ecalecitika. I Cilibwe cali i Cebo. Mwamona?

¹³³ Ena, umuku wakubalilapo, ena apumine Icilibwe na menshi yalifumine. Kabili nomba bena balikwata icilaka nakabili. Atile, “Nomba bwekela nokulyaanda ku Cilibwe.” Cena cauminwe fye umuku umo. Mwamona?

“Ukukana kumanina kwa Cebo,” Mose apele ubunte kuli cena. “I Cebo tacali icalungama; Ena ali nokumwa nakabili.”

¹³⁴ Eico Mose aile kulya nokuuma i Cilibwe nga cilya, atile, “Fuma!” Tayafumine, eico alicumine nakabili, kabili atile, “Fuma! Ndekweba ukufuma.” Kabili amenshi yaishile.

¹³⁵ Lesa atile, “Isa kuno. Isa kuno. Iwe waliisasabika wemwine. Imwe mwalisendele amaka Yandi; mucifulo caku Nsangulula, imwe mwaliisangulwile mwebene. Nomba imwe tamwaye mumpanga. Lolesheni kulya, ukumona ifyo camoneke; lelo, apa, iwe uli nokufuma apa pene.” Oh, owe! Takwatala akubako umo nga Mose, namwishiba. Iyo, iyo.

¹³⁶ Ilyo aishile kuli kulyo kulangisha na Yesu, atile, “Kabiyeni mwitempile muno nokutolokako.”

¹³⁷ Atile, “Calilembwa,” ameni, “Witunka Shikulu Lesa obe.” Mwamona? Alimukumenye ne Cebo, mulico, nokusanswa ukukalamba konse.

¹³⁸ Takuli umubomfi uwacine ukatala esha ukuilanga umwine, na—na maka yakwa Lesa. Alacita ico, ena alacilinganya lilya line.

¹³⁹ Ica citatu icilonda icikalamba, Satana apele ukulekelako ubu bufumu kuli Ena. Alicitile. Satana atile, “Moneni aya mabufumu yesonde? Aya yandi. Ndacita nabena conse ico Ndefwaya ukucita. Nalayapela kuli Imwe.”

Lelo, muleibukisha, ena aleesha ukumusenda Ena ukukanalufyanya. Nga Ena alicitile, ifwe kuti twaluba. Ena ngalifumishepo ubufumu. Lelo Alingile ukukonka i . . . Alingile ukubwekela. Ena alyeshiwe ukucicita, nomba. Imfwa cintu cakosa. Ena alyeshiwe ukusenda ubuntungwa Bwakwe nokuba Imfumu yesonde, ukwabula ulupanda. Lelo, nga Ena alicitile, abantu Bakwe nga balifwile. Satana ngalikwete nensansa ukulengelamo ukumfwana na Ena. Lelo Atile, “Kabiye kunuma Yandi, Satana.” Ena tacicitile.

¹⁴⁰ Aishile nokucula, kabili asendele inshila iyakalabana, inshila iyakalabana. Ena asendele imibombele yakucushiwa. Ena asendele nshila yamfwa.

Bushe ifwe, muno lucelo, tulefwaisha ukucita, ukusenda ilya ine nshila iyo Ena asendele? Bushe tulefwaya ukufwa? Bushe tulefwaya ukuipela fwebene kuli Lesa, ukulekelako kwiisonde lyonse nefintu, uku Mubombela? Mwamona?

¹⁴¹ Nomba, Ena alifililwe ukucicita. Ukufwaya uku—ukucilekelako, Satana ali, kuli Ena. Lelo Ena tacitile. Nangula Yesu alyeshiwe, Ena alitucimfishishe ifwe. Ena—Ena ashipikishe amesho yonse kuli ine kabili naimwe. Mwamona? Ena ngalicisendele ilya ine nshita. Lelo mulandu nshi Ena asendele inshila imbi? Eico pakutila twingesa, ukuba pamo Nankwe. Kabili nga Alilipile umutengo uwaba ngoyo, nomba kuli twaba abanononshi ukukana cisenda? Ilyo ibukisheni, takuli nangu cimo pano, nangu cibefyo.

¹⁴² Nga mwaikala imyaka umwanda umo, nicinshi ico muli nokwisaba? Ifyamatontonkanyo, kabili ukutontonkanya kobe ninshi kwaya, kwalemana, kwakota nokusunkana. Uko eko uleya, kabili empela yaico. Imwe iseni nomba, ukucimfya ici icintu. Musango nshi mucitilamo? Ku Cebo. Ifyo i Cebo calanda, iwe wacita ico. Enda uwaicefya. Ikala ku cinso cakwa Yesu.

¹⁴³ Ashipikishe ifintu fyonse kuli iwe na Ine. Ena ecilangililo cesu ifyo ukucimfya inkulo yesu iyabipa, ngefyo Ena acimfishe inkulo Yakwe iya bubifi.

¹⁴⁴ Ibukisheni, ilyo Ena aishile pesonde, kwaba fye ukukana cetekela ukwingi, nangu ukucila, ukucila ifyo kucili inshita ili yonse. Cena ta Camusakamike nangu panono. Ilyo ba Mwitile iciwa mucifulo cakwa Lesa, ilyo bena ba Mwitile ifintu fyonse ifyo fingacitwa, cena taca Musakamike panono. Ena alikwete ipange limo: “Posa amano kuli Taata. Sunga i Cebo.” I Cebo ni Lesa. Ena alikwete amano yamo.

¹⁴⁵ Ifwe inshita shimo tuleshiwa ukubwelelamo. Mwebengi, muleshiwa ukubwekelamo mufilonganino, ukubwekelamo nokuyacita, pantu icalo conse efyo citila, “Cilonganino nshi wabako? Ci chalichi nshi waampeneko?” Ifwe tuleshiwa ukucita ico; ifwe bonse efyo tuli. Bankashi yesu baeshiwa ukubwekelamo nokuya ilunda namachalichi ayashala, nabamo ba Assemblies, nangu amachalichi yakwa Lesa, nangu bamo muli bena; nalyo line beni ba Pentecosti, lekeni imishishi yenu iputulwa, nokufwala fye umusango uuli onse mulefwailamo. Mwamona? Mulatunkwa ukucita ico, bwelelenimo nokulumbukwa pamo ne iyi nkulo iyabipa iyo tuleikala nayo.

Ilyo, ulu elubembu ulukalamba ulwa munshiku shesu. Cena lubembu ulukalamba pakati kabantu besu, ifya kufwala fya mwisonde, ngefyo Baibele yasosa Laod-. . . Inshita ya Laodikea yali. Ena aba uwesonde, “Uwa nonka, takabila nangu cimo; taishiba ukutila ali ubwamba, uwankumbabulili, umulanda, kabili uwapofula.” Lulya elubembu lwa bushiku bwesu. Nga

mwaumfwa i Cebo cakwa Lesa ukulanda ukucisusha, nomba wasenda inshila imbi, waliba uushaishibikwa nesonde. Imwe mulatunkwa ukubwekelamo.

¹⁴⁶ Ninjishiba. Muletwalilila ukusosa kuli ine. Ninjishiba ukuti muletila, “Inshita fye yonse.” Ninjishiba mulanaka naine ukukomaila pali ifi fintu. Ndanaka ukumona imwe mulecicita, pamo, ico nacilungama, ulu lubembu ulu Ndeesha ukumwebapo. Mwatila, “Mulandu nshi ulelandila pali cena?” Leka ukucicita, nomba. Ndeesha ukupususha umweo wenu, ne Cebo. Ndanaka, pamo. Eico, ilungamikefye. Ulu lubembu, talulingile ukucitwa. Ee, mukwai.

¹⁴⁷ Ifwe tulingile ukucimfya ifi fintu. Ifwe tulesubila ukweshiwa nabena, isonde. “Imwe mwalitemwa isonde, ifintu fya mwisonde, ukutemwa kwa kwa Lesa takwaba muli imwe,” eflyo Yesu asosele.

¹⁴⁸ Nomba twalaisala, no kusoseci. Kuli icilambu cakwa kacimfya.

¹⁴⁹ Leken i mbelenge icintu cimo pano kuli imwe. Pilibuleni mu ma Baibele yenu. Leken i tubwekele mu Kusokolola, iya 3, icipandwa ca 2. Moneni pano nomba, fyonse ifi fintu ifyo Ndelandapo, ukucimfya. Nomba ilolesheni fye mwebene nokumona. Ibebeteni mwebene mucilola camupashi, moneni nga cakuti mwalicimfya.

¹⁵⁰ Nomba, imbila ya ntanshi, kuli—kuli malaika wa ku Efese, Ndefwaya imwe ukumfwa kufyo Asosele. Kabili Ukusokolola, icipandwa ca 2, versi ya 7. Ici nikuli ilya nshita yachalichi, ilyo Ena abebele fyonse ifyo bacitile, “Ukusha ukutemwa kwabo ukwantanshi.” versi ya 7:

Ukwete ukutwi, omfwe ico Mupashi ulesosa ku nkuta; Kuli ena (umuntu, te lukuta) . . . Uwacimfya—uwacimfya Nka pela ukulyako umuti wa mweo, uuli mukati ka paradise wakwa Lesa.

Mwamona? Bakacimfya mu Efeso.

¹⁵¹ Nomba, icakonkelepo cali ni Smurna. Nomba, kuli bakacimfya muli cilya, tuleumfwa kulici. Nomba, versi ya 11.

Kuli ena—uyo kwete ukutwi, omfwe ico Mupashi ulesosa ku nkuta; Uwacimfya takacenekwe ku mfwa ya cibili.

Mwamona? Bena balicimfishe.

¹⁵² Nomba, cilya, nomba lolesheni kuli Pergamo, tuli nokusanga ifyo kacimfya amushilile, mulici. Twalabelenga versi ya 17, ku chalichi ca Pergamo.

Uyo u kwete ukutwi, . . .

Ukutula, ulya emuntu umo, tebumba lyonse. Umuntu umo, ulya ni Nabwinga ukwisa, mulemona, Chalichi.

Uuli no kutwi omfwe, *ukumfwa ico Mupashi ulesosa ku nkuta; Uwacimfya Nka mupela ukulya mana uwafiswa, no kumupela ilibwe ilya buta, kabili mwi libwe ishina lipya ilyalembwa, ilishaishibikwa ku muntu ulei pokelela.*

Cilya nikuli kacimfya, ica nkulo ya chalichi.

153 Nomba, icilekonkapo ni Thyatira. Lekeneni tusange ifyo kacimfya akwete muli bulya bushiku. Lekeneni tusende versi ya 26.

Kabili uwacimfya uwabake milimo yandi ukufika ku mpela, kuli ena Nkapela amaka pa fyalo: (Ico nacilungama.)

Kabili . . . akabateka ku nkoto ya cela; kabili nga icipe cakwa kabumba bena bakatobaulwa mu tupimfya: nga fintu Napokelele kuli Taata.

Mwamona, “Na Ena, mu cipuna Cakwe icabufumu.” Kristu ali nokutungulula ifyalo, nenkoto yacela. Kabili ici pano i Chalichi ico cacimfishiwa, “Icaikala mulya, pamo na Ena, ukutobaula ifyalo nenkoto yacela.”

154 Nomba katubule kuchalichi ca Sardis. Nomba versi ya 5 iya cipandwa ca 3.

Uwacimfya, akafwikwa amalaya ayabuta; kabili Nshakapase ishina lyakwe ukufuma mwi buuku ilya mweo, lelo Nalayebelela ishina lyakwe ku cinso cakwa Taata, na ba malaika aba mushilo.

Cilya ni kuli kacimfya mu Sardis.

155 Nomba, lekeneni tusende nomba versi ya 12. Nomba, ici cili kuchalichi ca—ca Filadelfia, mu versi ya 12.

Uwacimfya Nkamucito lucenshi mwi tempele lyakwa Lesa wandi, kabili takafumemo kabili nakalya: kabili Nkalembe pali ena ishina lyandi, ishina lyakwa Lesa wandi, kabili ne shina lya musumba wakwa Lesa wandi, uyo uuli ni Yerusalemu mupya, uuleisa ukufuma kumuulu ukufuma kuli . . . Lesa: kabili Nkalembe ishina lyandi ilipya pali ena.

156 Moneni ifyo kacimfya akalaiwa. Mwamona?

Nomba, nomba Laodikea, ilya ninkulo ya chalichi cakulekelesha. Kukabako bakacimfya bamo mulya. Moneni pano. Bena, balebukisha, cila nkulo yama chalichi, iyaitangilile ipyana fyonse ifyo ibiye yakwete ifyakupela. Moneni kuno lubali. Nomba, pano, cena nipanuma ilyo bapokelele yonse aya maka, aya mashina ayapya, kabili ifintu fyonse ifyalembwa, ifyo Alaile, nokulya mana uwafiswa, kabili ukuya fye monse. Moneni iyi nkulo yakulekelesha iya chalichi, Ukusokolola 3:21.

Kuli uyo ukacimfya Nkamupelo kwikala pamo naine pacipuna candi icabufumu, (ameni), ifyo na Ine nacimfya, no kwikala pamo na Taata pa cipuna cakwe ica bufumu.

Ukwete ukutwi, omfwe ico Mupashi ulesosa ku nkuta.

¹⁵⁷ Kwaliba icilambu ica bakacimfya. Twalilila, cananyika. Nga cili muli imwe, bikeni kumbali amatipa nefintu fimbi ifyashala, nokubutukila ku mulu. Ee, mukwai. “Ukwikala na Ine pacipuna Candi ica bufumu.”

¹⁵⁸ Namwishiba, inshita imo, nyina wakwa Yakobo na Yohane. . . Tatwakwate nshita iya kulibelenga. Nyina wakwa Yakobo na Yohane baishile nokulomba ici cifulo. Mwalishiba ico? Mwaibukisha ico? “Shikulu, lekeni umwana wandi ekale kulubali lumu, kabili umwana wandi umbi ekale kulubali lumbi.” Kuliko ukukabila kwa kwa nyina ukwa mwana wakwe.

Lelo moneni. Lelo, “Cilya cifulo,” Yesu atile, “calingilwe kabela.” Ici cifulo tacalipo pali ilya nshita. Mulandu nshi? Moneni. “Cili nokupelwa kuli bena ifyo capilibwile.” Cinshi? Umo ukwikala kukuboko kwakulyo, kabili umbi uwa Mupalama nganshi, ali libe nikacimfya. Mwamona? Cena cali nalyo line. . . Atile, “Teti—Teti mpele ici. Ine teti pele ici, lelo cili nokupelwa panuma ukweshiwa kwaisa.” Ameni. Mwamona? “Ine teti mpele ici. Lelo panuma yakweshiwa kwaisa, bena bakekala kukuboko kwakulyo na kukuso. Kwalibako ulubuto ulwalingilwa kabela ululelelela kulya lubali kuli cilya. Lukapelwa kuli abo lwalailwako. Cikapelwa kulya, lelo ubwesho tabulaisa; ukutula, ena talacimfya.” Mwamona?

¹⁵⁹ Umuntu uyo uwali nokusenda ici cifulo kulubali lumu, kabili umubiye ukucisenda kulubali lumbi, icakonkelepo kuli Ena mu Bufumu, cena cali tacilapelwa, mwamona, cena tacacimfishiwe. Ubwesho tabulapona. “Bwena bukapona kuntanshi.”

“Nga twaculila Kristu ne Cebo Cakwe, tuli nokuteka pamo Nankwe, pantu Ena e Cebo.” Ibukisheni, “Nga twa Muculila kabili ne Cebo Cakwe, tukateka Nankwe, mu Cebo Cakwe.”

¹⁶⁰ Moneni. Ena, Icilangililo cesu, ukucimfya, elyo kabili aninine ku mulu, panuma Acimfishi imfwa, kumbo, amalwele, inshishi. Ifintu fyonse, Alicimfishi. “Elyo Ena aninine kumulu, nokutungulula bunkole, apele nefyabupe kubantu.” Cilya cali Icipangano Cakale, naba mushilo aba mu Cipangano Cakale abo abacimfya. Bena balelelele Umuntu wa musango filya, kabili balifwile ilyo Cena tacilafika kulya. Lelo ilyo uyu Muntu aishile, “Cena tacakabakanye balya abalala utulo.” Ameni. Teti aluse, inshila ili yonse. Ukuba no mweo atemwa ukufwa, bupusano nshi cipanga? “Tatwakatangilile.” Mwamona? Bena baloleshe cilya.

¹⁶¹ Nangula Yobo kunuma kulya, aloleshe pali cena. Atile, “Nalishiba Kalubula wandi wamweo, kabili panshiku sha kulekelesha Ena akeminina pesonde.” Kwaliko umuntu umulungami, umuntu uwapwililika. Apele ilambo. Acitile fyonse ifyo Lesa amwebele ukucita. Acicitile nakatina nomucinshi. Ali nikasesema. Kabili nomba Satana aishile, mukumwesha. (Nga fintu ena esa mukumitunka.) Cinshi ena acitile? Ena atwalililepofye ukwiminina palya.

Umukashi wakwe aishilefuma, atile, “Cinshi teti utukile Lesa nokufwa imfwa? Ulemoneka uwa nkumbabulili nganshi ukwikala palya.”

¹⁶² Atile, “Iwe ulelanda ngo mwanakashi uwapelwa mano.” Nomba, ena tatalile sosa ukutila ena ali iciwelewele, lelo ena alandile nga umo. Mwamona? Atile, “Iwe ulelanda ngo mwanakashi iciwelewele.” Atile, “Shikulu alipela, kabili Shikulu nasenda; lipalwe i Shina lyakwa Shikulu.” Ena alicimfya.

¹⁶³ Ena alicimfishe ifyo abena mupalamano basosele. Alicimfishe ifyo bamembala bachalichi bonse, Bildad na bonse fye, bali nokusosa. Alicimfishe bishopo kabili nefyo asosele. Alicimfishe cardinal kabili nefyo ali nokusosa. Alicimfishe icilonganino, ifyo balesosa. Kabili ena aikele no kulungamikwa kwa Cebo. Ameni. Nomba, camuletelele ifintu fyonse akwete, nabana bakwe. Alepala ifipute nakapandwa kacimuti, naikala, lelo libe alicimfishe. Kabili ilyo ora ikalamba iya kweshiwa mukulekelesha yapyene, lyena amakumbi yalipombelwe.

¹⁶⁴ Aloleshe kucintu conse icamano. Atile, “Kwaliba isubilo mucimuti nga cafwa; cilaba nomweo nakabili. Kabili ulubuto lulaponena mumushili, lulabola; lulaba nomweo nakabili. Lelo umuntu alalambalala nokufwa; alonaika. Kabili abana bakwe balesa, abana bakwe abaume, ukumucindika nokumulosha; teshiba nokwishiba. Tema nakabili. Oh, uyo ali palya. Bwafya nshi? Ndi lubuto, pamo. Ndi cintu cimo, ukuti lwena lubuto, kabili Ndi nokuya panshi. Ine teti njime nakabili. Ine ndi nokulala palya. Oh, mfiseni mu nshishi, nsungeni muncende yafiswa mpaka ubukali Bwenu bukapite. Sonteleni inshita kabili mpinguleni. Nga fintu amabwe yapeleka, amenshi yalapela nokupwisha ilibwe.” Oh, alitwalilile, ukusosa fyonse ifi fintu. Kuti amona ifilangililo fyonse kunse kulya, ifyo cali. Oh, afilelilewefye ukucimona.

¹⁶⁵ Kabili, Nkashi Rogers, ibukisheni ilyo Nashimikile cilya pacililo cakwa Busty. Mwamona?

¹⁶⁶ Musango nshi, ukutila, “Ena kuti apela ukufumyapo ilibwe,” ifyo ifi fintu. “Oh, O Imwe, mfiseni munshishi, nokunsunga muncende yafiswa.” Alitwalilile ukuya pantanshi. Atile, “Ndekabila nga Nalishibe. Ndekabila nga Nalishibe uko Ningaya, ku Muntu uwingabika amaboko Yakwe pali ine,

umuntu umubembu, na Lesa uwamushilo, nokulanda kuli Ena palwa ine.” Oh, owe! “Ena ali Kulya. Ninjishiba Ena ali Kulya. Kuliko Umuntu umo Kulya uwingacita cilya. Kuliko Umo kucifulo cimo. Nikwisa uko Ninga sanga ulya Muntu? Nikwisa uko Ninga sanga? Nala konkonsa pacibi Cakwe nokulanda kuli Ena. Nga cakuti Umuntu umo kuti abika fye ukuboko Kwakwe pali ine, kabili na pali Lesa, kabili—kabili nokumpangila inshila, landeni! Nga kuti Nasanga fye ulya Muntu! Oh, nipesa apo Ali?”

¹⁶⁷ Ena afwaile ukupita mumchalichi yakwe. Ena alifwaile mukabungwe kakwe. Ena afililwe ukusanga Umuntu waba ngefyo.

¹⁶⁸ Kabili pamuku fye umo, amakumbi yalipombelwe, kabili alimwene ulya Muntu aisa. Oh! Umutima wakwe uwakale ukutunta kunsansa. Elyo icintu cimo calicitike. “Nalishiba ukutila Kalubula wandi wamweo. Kwaliba u Muntu wa musango ngefyo.” Ameni. Kwalibako u Muntu uwa musango ngefyo. “Nalishiba Kalubula wandi wamweo. Kabili nangula, panuma yamititi yamumunofu ikonaule uyu mubili, nalyo line mumubili wandi Nkamona Lesa, Uo Nkaimwena nemwine. Ena akeminina pesonde mubushiku bwa kulekelesha.”

¹⁶⁹ Pali lulyo lucelo lwe Pasaka, ilyo Abukile kulya lubali, kabili umubili wakwa Yobo uli supuni yamito, alelolela. Ena ali lilye Bumba ilyasalwa. Ena alibukile ukufuma munshishi nokwingila mumusumba, pamo na Abrahamu, Isaki, Yakobo, Yobo. Oh, owe! Ameni. Pantu, bena balefwaya u Muntu wa musango ngefyo.

¹⁷⁰ “Kabili kuli abo Abalolela Kristu umuku wacibili,” abo abenga cimfya ifintu fya ili sonde, kukusenamina Kwakwe, ukwisa muli Ena, nokwisala amenso yenu kucintu cimbi kano Ena ne Cebo Cakwe, “Akamoneka umuku wacibili mu Bukata.”

“Pantu ipenga lyakwa Lesa likalila, abafwila muli Kristu bakabuka; abo abali aba mweo abashala bakapilibulwa, mukashita fye, mukukapakapa kwe linso, ukusendwa capamo, uku Mukumanya mulwelele.”

¹⁷¹ Nangu Mbe kasupuni kamito, nangu Ndi nomweo ilyo Akesa, tapali ubupusano kuli ine. Ameni. Temulandu, pantu Ine nalikata icimonwa. Icfimbo calipombwa, kabili Ine namumona Ena. Umo uyo wingeminina, nokubika ukuboko Kwakwe pali ine, umuntu umubembu, kabili pali Lesa uwamushilo. Kabili Ena ecikonsolwelo candi. Ena e Cebo ico Njimininepo. “Pakutendeka mwali Cebo.” Ena nicilya Cebo, kabili Ena alanjimininako, Kulya. Ameni. Kabili Nalacipunda, cikulufye Ninkwata umupu, “Ena e Kututubuka kwandi no Mweo wandi.” Kabili imishili yonse iyashala misensenga ibila. Imishili yonse iyashala misensenga ibila.

¹⁷² Nga fintu Abekete abafwaile ico, eico Ena akesa kuli onse uwamushilo wamu Cipangano Cipyu uyo uwacimfya kasusha wa cilonganino conse, abo abatala cimfyapo imembu

shonse ishalumbukwa isha buno bushiku, isha ino nshita iyo tuleikalamo nomba, nga filya Acitile munkulo shonse isha machalichi, balya abacimfya muli ilya nkulo ya chalichi. Abo abacimfya cinshi? “Ndi wa fyuma. Nshilekabila kantu nangu kamo. Ninkwata. . . Oh, Ndi fyonse *ifi* kabili na fyonse *Ifi*. Kabili Ndi Nabwanga. Ndi *ici*. Nshilekabila kantu nangu kamo.’ Kabili nshishibe ukutila muli ubwamba, impofu.”

¹⁷³ Mwamona ilye nshita iya kubepa iyo Nasosele? Tacaba nga balya abaputwile imitwe yabo, kunuma kulya, ku kubula ilibwe ilya buta; te abo abafwile mubaipaiwe, no kocewa kufimuti, nefintu nga filya; abo winine icilongwe. Lelo ni ino nkulo yakubeleleka nomba, abatontokanya ukutila baba fyonse. “Ukuba, Ndi membala wa chalichi. Ndi mwaume umusuma. Ndi mwanakashi umusuma. Ndacita *ici*. Nshilingile ukucita *Ici*.”

¹⁷⁴ “Lelo uwacimfya,” uwacimfya fyonse filye fintu ifya mwisonde ifya ino nshita, finshi ifyo bakacita? Bonse bakekala pamo Nankwe pacipuna Cakwe cabufumu; bakesaya mu Kusumbulwa ilyo Akesa. Oh, owe! Nicinshi ico Ndesakamana, lyena? Nicinshi ico twingasakama ifyo isonde lisosa? Nicinshi ico umuntu umbi engasosa? Mupashi wa Mushilo uukalamba uli pakati kesu. i Ntumba ya Mulilo Yakwe ilatutungulula no kututungulula. i Cebo Cakwe cilashininkishiwa kuntanshi yesu. Ukutemwa kwakwe kwaba mumitima yesu. Isonde lili munuma. Ifwe twalifuma mumfwa ukwingila mu Mweo. Isonde litontokanya ukutila imwe mwalifulungana.

Lelo Yesu alingile ukusenda ulu lupanda eka,
Ne sonde lyonse liye fye ilitungwa?
Kuli ulupanda ulwa bonse,
Kabili kuli ulupanda lwandi.

¹⁷⁵ Imyaka amakumi yatatu na fitatu mwibala, kabili ulu lupanda ulwasangululwa Nkasenda mpaka imfwa ika ndubule.

¹⁷⁶ Leken i bamunyanane bankane, balande fyonse ifyo bengafwaya, ukunkana. Lelo pali *ici* Cebo Ninjiminina, kabili Ici ceka.

Ulu lupanda ulwasangululwa Nkasenda,
Mpaka imfwa ikandubule,
Kabili nomba ukuya ku Ng’anda, muku
Sumbulwa, icilongwe nkafwale.

¹⁷⁷ Filya eflyo tulefwaya bonse, teifyo fine? Filya eflyo tulefwaya. Lilya lyesu—lilya esubilo lyesu nokupapata. Takuli amatontokanyo yambi ayo twakwata, lelo yalya yamo pali Yesu Kristu. Kabili pabulungami Bwakwe twaliminina, eka, kabili ubulungami Bwakwe mu Cebo Cakwe. “Kabili i Cebo caishileba umubili nokwikala pakati kesu.” Kabili i Cebo cicili cileishininkisha Iceine.

¹⁷⁸ Ukucimfya musango nshi? Pa kusenda i Cebo, ubulayo, mukupetama, ukwenda mukuicefya.

Ulu lupanda ulwasangululwa Nkasenda,
Mpaka imfwa ikandubule,
Nomba nkaya ku Ng'anda, mukufwala
icilongwe.

179 Pantu, “Ilyo lilya Ipenga likalila!” Imwe kuti mwanshika muli bamba, lelo Intandala ili nokunjimya. Cisuma. Ndeya ku Mwesu, ubushiku bumo. Ameni. Mpaka lilya, Nkalwisha, ameni, ukusenda ulu lupanda; ukubika amenso yandi te pa bantu, lelo pa Kalbale kulya, pantu Ena ali icilangililo candi. Alilangishe ifya kucicita. Kabili icilangililo Cakwe, tuli nokucikonka, cila bushiku.

Ndekonka Yesu cila lutampulo lwa nshila.
Ndekonka Yesu cila lutampulo lwa nshila.

180 Bushe tamwatemwa ico? Oh, ifyo Ndetontokanya, Mukonkeni, cila bushiku, cila lutampulo lwa nshila.

Natupepe.

181 Shikulu Yesu, ora nama miniti ikumi limo na yasano nomba, ukwiminina pano, ukwisha ukusenda i Cebo Cenu nokulondolola kubantu ifya kucimfya. Imwe mwalitwebele ifyo cena cacita. Imwe tamwamwebele fye, lelo Imwe mwalilangishe ifyo cena cacitilwe. Imwe alitutungulwile. Imwe mwalitulanga ifya kucicita: pokedeleni i Cebo mukati kesu, kabili beni abashininkisha ukwikatilila kuli cilye Cebo, “Calilembwa,” mubwesho ubuli bonse; lelo beni abapetama, endeni abapetama. Lyena natucimfisha, ukupitila muli Imwe, ukupitila mu maka Yenu ayo ayacimfische kale umulwani wesu. Kabili icintu fye cimo ico tulingile ukucita caba—caba fye ukwenda abapetama ne cicetekelo, ukucetekela Ico, necishibilo icakwishibikwa ica Mupashi wa Mushilo, na Satana afwile asela.

182 Pali ututambala utuli pano. Twena twiminineko abantu abalwele. Bena balekabila, Shikulu. Kabili balibelenga muli ici Cebo icituntulu uko bafumishe mumubili wakwa Paulo Washila ututambala notusalu. Twalibikilwe pa bantu abalwele. Impashi iyabipa yafumine muli bena, kabili ifisungusho ifikalamba fyacitilwe. Nomba, Nimwe umowine Shikulu Yesu ileelo.

183 Paulo ashimikile ici Cebo, kabili alembele ici Cebo, i Cebo cimo cine ico tuleesha ukukonka. Pantu, asendele Icipangano Cakale nokucipashanya, nokulangisha ukutila cali icipasho, ukutila conse ica mu Cipangano Cakale cali icipasho icapwililika ica Cipyu. O mwe Shikulu, lekeni tukonke cilya icilangililo.

184 Tulemona Shikulwifwe, ifyo Acitile. Kabili tulemona ukutila, balya abamushilo aba mu Cipangano Cakale, muno lucelo, tulesanga ukutila bena baleya. Ilyo Yesu abukile, balile pamo Nankwe. Kabili, Shikulu, twalicetekela ukutila tuli nokuya ilyo Akalisha Intandala. Ifwe twalicetekela, ukutila Nabwinga akesaya pali bulya Bushiku kabili akesa ilunda pamo

ne—ne bumba lya ci Hebere ilya Cena, kabili, capamo, kukaba Umulalilo wa Bwinga mu Bukata. Abo abalelelela.

Tulepepa nomba ukutila uluse Lwenu nenkumbu fibe pali ifwe. Bakacimfya, Shikulu, bakacimfya, ifwe tukabila ukuba ico. Tucimfyeni. Shikulu Yesu, Imwe mwalicimfya isonde. Nomba Ndapepa ukutila Mwalasuminisha umuntu onse muno, muno lucelo, “Bikeni kumbali ulubembu lonse, fumenipo icafina icitutitikisha mukwanguka, pakutila twinga butuka nomukosha ulubilo ulwabikilwa ifwe.”

¹⁸⁵ Paulo alosele ici, Shifwe uwa mu Myuulu, kulya lubali mwi Buuku lya ba Hebere, ukutila, “Tulingile ukubika kumbali icakufinya conse,” cilye cipandwa ca 12, emo alandile ici, panuma ena nalanga necilangililo, kunuma kulya balya abatwalilile; balya abashatwalilile; balya abacifulefule abakonkele; balya abakonkele pantanshi; balya abaleshalila kunuma. Bonse, alangishe ifilangililo. Elyo alipilibwike nokutila, “Natufumyeko icafina conse, akantu akali konse akanono akaikala pali ifwe, ukuti twinga butuka nokutekanya ulubilo ulwa bikwa pali ifwe; ukulolesha kuli Ena, Kalembe na Kapwisha wa Cicetekelo cesu, Uyo watupele icilangililo.” Ifwe tulacita cilya muno lucelo, Taata.

¹⁸⁶ Nomba, ne mitwe yesu iyakontamikwa, nomba lolesheni mukuposako amano mukuposako amano, nganshi. Kabili, lyena, beni ababufumacumi mukushika. Cena fye—cena cisenda fye. . . Cilya fye ceka eflyo cisenda: cencenteni no bufumacumi bwenu. Beni abacenjela nganshi ngefyo mulecencententa nomba. “Mbebeteni, Shikulu. Njesheni. Bushe muli ububifi muli ine? Nga cakuti emo buli, Shikulu, lekeni mbulambalike, nomba line. Ino ncende, apo Mfukeme, ecipailo Cobe. Nabika cena panshi, pano pene nomba, bikeni amakasa yandi pali cena. Ilyo Nafumapo, cena cili nokulambalala palya. Amaka ya Mulopa Wenu yakonaula cena. Ndefwaya ukuba kacimfya. Ninkwata icintu cimo ico cilencusha, Shikulu. Ndefwaya ukucimfya, muno lucelo. Kuti Nacita, ukupitila muli Imwe. Nalyebwa cilya, ku Cebo Cenu. Nacilambalika nomba, Shikulu, kabili Nalambalika amakasa yandi pali cena. Ilyo Ndepita muli cino cikulwa muno lucelo, ukuya, ukwishiba ukutila nacibikwa mu i—ibeseni lyakufumya ifiko ilyakwa Lesa. Cena tacakatale ibukishiwa nakabili. Ine nomba nalayebelala cena nokulomba uluse.”

¹⁸⁷ Ne mitwe yesu iyakontama, na menso yesu ayashibata; imitima yesu iletontonkanya, uyo emwinshi waku mweo nomba. Bushe kuliko icintu cimo ico ulefwaya ukubika lubali muno lucelo, icintu cimo ico ulefwaya ukucimfya? Kabili iwe walyesha pamaka ayakalamba, lelo, muno lucelo, wala walaleka ukwasha. Iwe walapokelelafye ico Ena acitile. Ndefwayafye wimyeko ukuboko kobe nokutila, “Shikulu, Ndefwaya ukucimfya. Kabili icintu cimo cilansakamika ine.”

¹⁸⁸ Shikulu Yesu, Mwamona yonse yalya amaboko. Nomba, nga ne mubomfi Wenu, uwimininako pakati kaba mweo nabafwa, Nasusha icintu conse ico icilesakamika aba abantu na ine pamo palwandi. Kabili Naipusha ico mwi Shina lyakwa Yesu Kristu, ifwe tushe ico na cilambalala pano pa cipailo cakwa Lesa, nokufumako muno lucelo, abantungwa, ngaba kacimfya.

¹⁸⁹ Ngacakutula bankashi besu tabakwata ukusenamina kunumako, lekeni kwena kupelwe nomba, Shikulu. Ngacakutula ba munyinefwe tabakwata ukusenamina, lekeni kwana kupelwe nomba. Kabili lekeni, mukwiicefya, mayo pamo nabana bakwe, mucufulo cakuba ne casakanwa. Ena alishiba ukuti aikala...Nikashimikila kuli bena abana banono. Umweo wakwe ecakumwenako. Batata ecakumwenako kuli ba mayo, pantu emutwe wa ng'anda. Ba mayo balesha ukumutungulula ena ukunoku; ena takacite ico cena calipwa. Ngacakutula ena amubomfya nge cakusho mwenapo ifiko, cena tacili nokucitwa calipwa. Ena nikafwa. Cifikilisheni ico, Shikulu. Lekeni fyonse ifi ifitucinga, Shikulu, finga fumishiwapo.

¹⁹⁰ Ifwe—ifwe tulebika palwesu, Taata, panshita ya mweo tukwete ku ntanshi yesu, ukwishiba ici, ukwishiba ici, ukutila ifwe tuli nokwisa ku mpela ya ico, kabili neco nombaline. Eico, muno lucelo, twabula ino nshita, panuma yaino Mbila. Twabula ino nshita, Shikulu, ukwisa, pantu ifwe natwitwa ukwisa. “Bikeni amasakamiko yenu pali Ena, pantu Ena alasakamana imwe.” Ine ninjishiba Imwe mulasakamana Shikulu. Imwe icine cine mwalitusakamana apakalamba ukufwila ifwe. Kabili na ifwe icine cine twalisakamana apakalamba ukwisa nokupokelela ico Mwafwililepo.

¹⁹¹ Tushisheni, Shikulu. Twisusheni cipya na Mupashi wa Mushilo. Lekeni Mupashi wa Mushilo ukuti aleteka mu mitima yesu, mu maka yakalamba, ukutila ifwe twakulaenda, ukulabako ku fintu ifyapita, ifikako na matipa filya panshita imo twaikemo. Ifwe tuli nokutwalilapo ukufika pa mushilwa wa bwite ubukankala, apo u Lubuuto lwesu lwinga bengeshima, mpaka onse umupita nshila kuli atila, “Kwaliba umwina Kristu uwikala palya paculu. Ulyo muntu, ulyo mwanakashi, ulyo mwaume, liluba lyashila ilyakwa Lesa. Bena baba abasuma nganshi kabili aba cikuku nganshi, lyonse abacitemwiko kabili abasuma, nokukutuluka.” Cipeleni, Taata. Lekeni tube abamucele, pakutila isonde lingakwata icilaka; cipeleni, Taata; nokucimfya ifintu fya ili sonde, kabili namasakamiko yabwikashi. Mwi Shina lyakwa Yesu Kristu. Amen.

Ine nde . . .

Nomba lekeni twimye fye ukuboko kwesu.

. . .Kapususha . . .

Ukwita cinshi? “Isa kuno, ukufuma mumatipa.” U Mweo wa pamulu; Icintu cimo cili muli iwe, icilemitinta

muli uyo musango. Cena nicinshi? Cena ni Ena. Mulya mumatipa, amaluba ayanono; imwe namukwata u Mweo mulya, ukuipatikisha kuli imwe. Cilya e cimwita, “Isa kuno, ukufuma mumatipa.”

“ . . . ukukonka, ukukonka . . . ”

¹⁹² Nomba, bushe mulecipilibula? Nomba isaleni amenso yenu.

Uko Alentungulula Nkakonka,

Nomba ipeleni mwebene. Cipilibule ico, nomba.

Uko Alentungulula Nkakonka,

Uko Alentungulula Nkakonka,

Ndeya Nankwe, Nankwe, inshila yonse.

Uko Alentungulula Ine . . .

Mubusuma fye nomba. Ibukisheni, ibikeni mwebene palya.

. . . Ena atungulula . . .

“Nalacibika pano, Shikulu. Nala Mukonka, ukufuma nomba ukuya pantanshi. Nasumina Cena. Nacetekela Cena.”

Uko Ena atungulula . . .

Ibukisheni, umweo wweni uli nokupelo bunte ukucila akanwa kenu. Ifyo mwikala muli nokushininkisha kubantu ukucila ifyo mulesosa.

Kabiyeni Nankwe, Nankwe, (Inshila . . .

Kwisa?) inshila yonse.

¹⁹³ Ishilische wemwine, mukushika, mucine, umutima obe onse. Nga cakutula iyi yali ninshita ya kulekelesha iyo mwatalile ukusuminishiwa ukupepa? Cena limbi kuti caba. Ndesubila iyo. Cena limbi kuti caba. Nomba, beni abashininkisha nomba, mucine nganshi, mucine nganshi. Ibukisheni, iciibi cikesala, ubushiku bumo, lyena fyonse ninshi fyapwa. “Ipusha, walapokelela.”

¹⁹⁴ Tontonkanyeni fye pa bukata bonse ubo Ena apele kuli imwe, ifintu fyonse ifyo Ena acita. “Nincetekela, Shikulu. Nincetekela. Nincetekela ukuti Imwe muli kacimfya wandi. Nyendafye pamo na Imwe, Shikulu. Ndefwaya ukwikala mupepi na Imwe, kulya uko Imwe muli, Ndefwaya ukuba.”

¹⁹⁵ Kabili ibukisheni, Imwe mwalitwebele, Taata, ukutila, “Ifwe lyonse tukaba pamo na Shikulu, ilyo tukasumbulwa.” Ifwe tukwete fye u—uku Mumona nomba, ilyo Ena aleenda pamo naifwe nomba. Lelo lyena twala . . . Ifyo caba icintu icikalamba, ukwishiba fye ukutila Ena ali mu yesu—mukati kesu! Cikaba shani ilyo tukaba pamo Nankwe umuyayaya? Eico ifwe twalitemwa amapange yesu yonse: ifwe kuti twaya muli motoka; ifwe kuti twaya mukushita; kuti twaya mukulunga, ukuloba, nangu fyonse ifyo twingacita mumangalo. Lelo, oh, ilyo ichalichi caisulwa, ifwe tulefwaya ukukumanya Shikulwifwe. Cilya cintu icikalamba nganshi pafintu fyonse. Kanshi, tontonkanyeni, Ena

alitulaile ifwe. “Kabili pe na pe akaba pamo na Shikulu. Ukwikala pamo Nankwe pa cipuna Cakwe ica bufumu, kabili ukuba Nankwe umuyayaya.” O mwe Lesa, mukuicefya, ne—nemitwe iyakontamikwa, tulecisumina, Shikulu, mwi Shina lyakwa Yesu Kristu.

¹⁹⁶ Bushe muleumfwa ukuti kuti mwasha fye, nomba, ifintu fyonse, icisendo conse? Imwe kuti mwaciluka, pali cena nomba? Nga kuti mwacita ico, imyeni ukuboko kwenu, nokutula “Kukusenaminwa kakwa Lesa Nabika ubu bwesho panshi. Nshalweko, nakabili. Nalaikata fye ukuboko Kwakwe, no kutendeka ukwenda.”

“Nalilwisha, Munyina Branham. Nalyeseshe ukuleka ukupepa fwaka. Na—Naeseshe ukuleka imishishi yandi ukukula. Nalyesha ukucite *ici*. Nalicita . . . Nalyesha, na maka nganshi, Munyina Branham. Te kuti ncicite fye.”

Mwicesha cena, nakabili. Ikatenifye ukuboko Kwakwe, nokutula, “Taata, Imwe biken i ukuboko kwandi mwilaya.” Mwamona? “Nala Mupela fye ukuboko kwandi. Nalaenda fye, Shikulu, ukulolekesha kuli Imwe.” Cikesa citika. Akamifwika nga abena Kristu abacine. Mukaba abena Kristu abacine.

¹⁹⁷ Mpaka Naisa mimona, munshita ya bushiku, Lesa amitemwe kabili abe naimwe. Imwe muli bana bandi aba Mbila nsuma. Imwe muli abashitwa.

Nomba Nabwesesha ba kakumba, ukubwekesha kuli imwe, ukuti bengamisalanganya, Munyina Neville . . . ? . . .



KUTI NACIMFYA SHANI? BEM63-0825M
(How Can I Overcome?)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Kasaka Ntobo pa 25, mu 1963, ku Branham Tabernacle mu Jeffersonville, ku Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org